

Thuhma

Kum 10 lai kalta khan lehkhabu pakhat *ZORAM KHAWVAR HUN NGHAKIN* tih hi ram vei mi thahnem-ngaiten an buatsaih a. Manganna thim ata Zoram khawvar hun kan nghakho a. Kan hun tawng kha a manganthlak lulai em a, nih nih ni turin thian huaisen deuhthe chuan politics an luhchilh rawih nghe nghe a, a dawihzep falten vawiin thleng hian Zoram khawvar hun kan la nghak ta zel a nih hi.

Zoramah khua a la var lo cheu a ni ang e, a kum telin kan mangan a zual zel ni hian a lang. Tih theih nia kan hriat-tih ni si lo te, awm thei nia kan hriat - awm si lo te, tih hauh loh awma kan ngaih - tih ni tlat site hian Mizoram hi a tichiai nasa ta viau mai. Mangannain a vawrtawp a thleng hnai a ni ang, Kohhran leh Tlawmngai pawlte 'Aw thian' thawm ni awm takte kan hre ta hial a, thla a muang sawng sawng e. Tun huna Mizoram chimtu boruak, ziaka dah hi nakkin lama a tangkai takin tih thua he lehkhabu te reuh te hi a hmawr hawnna atan buatsaih a ni a, a tul dan azira la chhunzawm atan.

A tawi thei anga ziah tum a nih vangin suangtuah zui theih tura chhumbul tak taka pawhchhum a ni.

An thu ziaak ropui tak ka laksak Rev. Chanchinmawia leh Pu Zarzolianate hian an chatuan in van atangin min rawn thlir reng se kan ti. 'Hlauhawm a hnai' tih min sawifiahsaktu J.V.Nunchunga leh 'Ram tana rualawhna' tia min chotu Lalanzova Khiantge-te chungah lawmthu kan sawi mawlh mawlh e.

He thu tawi te nen hian Kum 2008 chu i han hmachhawn tlang dawn ang u hmiang le.

K. Sapdanga. 4/1/2008

ZAWNAWLNA

Thupui	phek no
Eng kan hlau ni maw? mipui kan chia	6
Khelmual chhia	7
BAFFACOS-in a perthelh	14
Lainat atana tihretheih	16
Tak nei lo hmangaihna	18
Khawng Mizo tlangval Police-te kha	20
Mipuite beisei chu	25
Kut phuar chung a sual do	27
Sawhthing politics	30
Ben harh zawh loh Politician	34
Kohhran a insum hram hram	37
MPF hian lal a khel em?	
<i>(Rev. Chanchinmawia thu ziah)</i>	40
Corruption hringtu -	
Inthlan senso tam	45
Maktaduai - THANG	47
Vote hralh hlawk lohzia	51
Hlauhawm a hnai an ti	55
Kum 2008-ah Engtin maw?	62

Thupui	phek no
Ram inrelbawl na kalhmang tehfung	65
Mizote kan lungual	70
Tutenge kan thlan tak ang?	72
A thlawna pawisa sem hi	73
Dawt Bill kha!	76
Vote khatin khawvel a chawk buai	78
Corruption huangtauna ram	81
Politics Tui nu chu	83
Party politics atangin Ram politics-ah	85
Hel pawl leh Politics	92
Inremna kawng a awm	93
Chhim bialah rinawmna	97
Mi ramah chuan	99
Ram mawl fal pahnihte	99
Hnam Chhantu chu Puithiam	104
Pianna Zoram	108

ENG KAN HLAU NI MAW?

MIPUI KAN CHIAI

Zing ṭawngṭai inkhawm bang Kohhran pitar te tete hi Biak In tual zawlahte hian an han ding khawm a, "Kan ram inrelbawl dan kalphung tak hi chu aw!" te hi an han ti ve bai bai a. "Ka pi, a eng lai hian nge maw in lu han tihai chiam le?" tiin han zawt dilchhut dawn ila, sawi ngaihna an hre chuang reng reng lo a. "A, a hahthlak hluah hluah a nih hi, a chhan hriat loh hian thaw a ippik em mai," te hi an ti a, an sawi ve thiam si loh, an rilru tihatu eng emaw zawngin a kap ve chu a ni phawt ang.

Mitthi vuina inkhawm zawng zawngah hian, zai thawmin a tihbuai phak loh deuhah pa valai rual inhmatawna ṭhu an awm deuh ziah a, kan ram rorel dan kalphung an sawi deuh ngei ngei. Hetiang tih ching zingah hian ruling party mi tawn fuh tur an tlem viau zel a, an lo tel ve palh hlauh pawhin fiamthu thawhna atan an pute sawisak an phur em em ve tho a, "Missionary nuai khat kan ti lo, sing khat kan ti zawk asin?" tih te, "NLUP hi thu maia tiam tak aveka nuai khat lek kan puten an tiam hi chu... nuai thum tal tiam awm,?" tihte hi titi tlanglawn pawl tak a ni. Eng pawh ni se, NUI KHAM hrim hrim hi kan hotute hian mawi an ti ni maw, tam an ti ni maw, ṭhenkhatin missionary tirh

"Ani nge nge, a hmaa mi ang mai a ni lo ang, a tiam tawh chu a ti tak tak ang," tiin nghakhlel takin kan lo thlir a. U-16 National Champion kan nih hriatrengha atan leh, ṭhalaite thinlunga thlanlung reh thei tawh lo mawi taka ziahna atan a remchan tehreng nen, Khelmual ṭha din tura hmalakna lam hawi reng reng hmuh tur a awm ta lem hlei lo a. A hnu lamah hian ṭawngkam ringawt chuan vawi duai lo min tiam leh tawh a, hotu dangten min tiam zawng zawng nena belhkhawm phei chuan vawi sawm pasarih lai a tling tawh hialin a rinawm a ni. Kum li a liam pumhlum hnua kan khelmual neih chu a la pangngai reng a, a hmaa mi aiin nasa fein a hman a hrehawm a, chu chu a danglamna chu a ni deuh mai. Champhai zawlah Khelmual tur ram lei a ni a, tu ta nge an lei a, engzatinnge an lei tih lam phei chu chhui lo mai ang, thinrim a belhchhah palh ang e. A dawl zawlna atana ft 8 emaw leka sang lungrem, chawlhkar hnih emaw lek hnua a chim rup mai erawh chu a zia lo deuh. Kha Khelmual buatsaih lai khan, siam zawh huna kan ṭhalaiten an chhawr ṭangkai dan tur lam ngaihtuahna aiin, a laih zawlna, a dawl zauna, a leveling, a pavillion sakna contract hna hrang hrang hmanga induhsakna lai kha kan hotute hian an tuipui zawk a nihte pawh a hlauhthawnawm rum rum a lawm maw le.

chhuah theih zat target atan nuai khat an hmachhuan a, ṭhenkhatin an sorkar palh hlauh chuan chhungkaw tin hnena pawisa fai sem zat atan nuai khat bawk an sawi ri leh a. Khawhar lenpui pathlawi hovin fiamthu thawhna atan hmanga an hlimpui viau laiin, pitar ṭawngṭai inkhawm bangho chuan fiamthuah an hmang ve phak si lo a, an ring bawk si lo a, rilru thianghlim takin an ngaihtuah a, thil awm thei niin an hre bawk si lo a, an buai phah a, ram hruaitu lian ber berte chuan dawt sawi an hreh lo niin an ring a, chutianga dawt sawi hreh lote kuta an tu leh fate lo seilian tur chu pawh an ti a, an rilru a chiai ve a ni ber mai.

KHELMUAL CHHIA

Kum 2003-a Mizoramin U-16 National Football competition AR Lammuala kan thlen kha kan la hre ṭheuh awm e. A vawi khatna atan National level Football tournament-ah kan champion nghe nghe kha. Mizoram mipuiin Kawr Sen kan ha a, a lan theihna thingzar zawng zawngah kan fu khat tlat a, "KAWR-SEN-HA, KAWR-SEN-HA... KHELMUAL-ṬHA, KHEL-MUAL-ṬHA" tiin, a pui a pang kan au rual ṭhup ṭhup a. Khami ṭum khan kan ram hotupa ber khan KHELMUAL ṬHA kha ring takin min tiam a. Ṭhalaite thla a muang hle mai a,

Chalfilh tlanga cheng vaibelchhe 23 vel senga Khualbuk changkang lutuk kan sak khi, Tourism lam tihhmasawna atan chuan a lawmawm viau mai a, kan hotu lu berte pawhin thla tin an tlawh nghe nghe kha a ni a, a panna kawng bul hnai vela ram neitute khi tute nge tih ngaihtuah duh miah lo ila, a Khualbuk ngawr ngawr khi chu eng tikah emaw, engti kawng kawngin emaw a la ṭangkai phian mai thei a, kan ram hruaituten an tuipui em em danah hian, engemaw takah zawng a la chhuak chek ang.

Thil pakhat chauh rilrua lo lang leh ṭhin erawh chu, khi Khualbuk, cheng sing tel ak thei chinte thlenna tur kan tuipui ang tluk chauh tal khian, kan Ṭhalai rualte talent hai chhuahna tur Khelmual Ṭha siam hi kan ram hruaitute hian han tuipui ta se, Champhai zawl a ni emaw, Lengpui khua a ni emaw, Builum khaw chhehvel a ni emaw, tu ram pawh lo lei nawk nawkin, tu party Secretary pawhin tu contractor emaw hming hawh pawhin lo thawk nawk nawk se, infiamna tlak tala a chhuah chuan, a chhawrtu tur Ṭhalaite hi chuan an ngaidam thei ang tih a rinawm. Ruling mi na na na, ram hruaitute chhungkhat laina hnai na na na, an lo induhsak duh a nih chuan mipuite hian kan ngaidam thui thei fu a, mahse a inti thu apiangte hna a chhe

bik zel hi hriatthiam a harsa kan ti niin a lang. Tlangvalhoin fiamthu an thawh a, "Ruling hotute lungrem kawngko bulah chuan fimkhur deuha kal chak deuh a ngai a nia," te an ti vel mai mai tawh a ni. New Capital building concrete ban, sak zawh chian hmaa a han mawih ringawt mai te, tun hnaia Bawngkawn lungrem, zawh a nih hmaa a ban chawpa a han chim a, nunna hloh phah an han awm hial te, tunhma lam deuhah pawh Transport Directorate Building ban, mipui bum nana Brick hmanga an han tilian ringawt, a char khawmna an uluk leh si lo, tun thlenga mualpho taka a lang hung maite hi mawle. Khelmual chungchang sawifiah tumna lamah kan her thui ta e, lo kir leh dawn ila.

Sikul naupang an sport a, an tuipui ber football an khel a, Aizawl khawpuiah ber pawh chuan School pakhat annual sport-in football an khelhna tur football khelmual puitling pakhat mah kan lo nei si lo a, Assam Rifles-ho Lammual dil chawp a ngai a, anni'n ngum thak hiat chungin, "A rem angem aw? Tunlai hian drilling practice kan ngawrh deuh a... etc etc." te hi an lo ti a, zirna lama kan hun remchan lai pawh ni lo, Assam Rifles Lammual remchan hun lai milin School sports routine siam a ngai a. Sipai phal mang lo chung kan dil chhuah theih hram hram kan khelmual hman hawhte hi han

ṭuan a, team leh team, College leh College inpheksual te pawh a awm ta fo mai. YMA Sport pawh an bang bik lo, inpumkhatna ṭha siam tuma infiamna huaihawt ve lem hi veng leh veng, School leh School inhmelmak phah kan awm fo a nih hi. Heng thil thleng zawng zawngah hian, a lang lo lamah hriatthiam harsa tak, kan thin tiramtu a awm a, chu chu KHELMUAL CHHIA hi a ni. Heti khawpa Khelmual chhia, hawh chawp ngai lehngal, cheina atana Mizoram sorkarin sum a sen tawh zawng zawng hi dik taka hman ni ta se, AR Lammual aia lian fe, khelmual nuam tak siamna tham a tling zak tawh tihte hi chu, naupang thinchhe deuh te bulah chuan sawi sawi rik chi pawh a ni lo.

Kum 35 kalta chhunga kan ram hruaituten kan ṭhalaite hamṭhatna, a sawia an sawi ni lo, a tiha an tih chin chu hei hi a ni a, an tih theih tawkah ngai ila, huat phahna atan erawh hmang lo ila, ṭhalai rualte pawh hian kan khingpuite nena tualthu chhiat phahna atan hmang tawh lo hram ila, ngaihdan chin erawh kan thiam a ṭul ta a ni ber mai. Kan hma lawka inthlan lo awm tura thuneihna chan tumin, 'thu' chuan he Khelmual aia ropui fe fe hi min han tiam leh ta buan buan chu a ni a, kum 35 an inlal chhawk chhunga an lo tih tawh loh kha an tih tak tak tawh kan rin ngam chuan, kan thu ni se. Nuthlawi

bel Chiang ila, kan sorkarin cheng tam tak senga phaitual hnim a chinna chin zawng a kawlh vul mai a, vaivut leh lungṭhil hraw pui puiin a khat vek a. State pawn lam aṭanga lo kal inkhel thiam kan thlen changin PHE department-in tui an han phuh huh puat puat a, PWD lamin Road Roller-in an han chil rual zawi zawi a, mikhual awm chhung chu a bel ve leh hlurh ṭhin. Khelmual chhung rau rauah pawh, hnim chin miah lohna ko pang bul hnai lamah thung chuan phaitual hnim inseihleih zeng zungin a ṭo buk chhur thung a. Kan khelmual hman hawh theih chhun, Mizoram sorkarin kan UT hlim 1972 aṭanga kum 35 chhung zet kan ṭhalaite min chhawp zinga ṭha ber he AR Lammualah hian, Cristiano Ronaldo an tihte meuh pawh hi rawn zuang lut ve ta se, a ṭhen lai diak, a ṭhen lai khu bawh siah hian duh tawkin han tal chhin se, hmuhnawm thamin a che bik na maw chu?

Chu vang chuan alawm, Assam Rifles Lammual chang phak leh chang phak lo pawh, School pawh, College pawh, Inter Sport nei apiang hi thinrim ṭeuhin an haw tau nghawng nghawng deuh zel a, eng berin nge an lung ti awi lo an sawi thiam lo a, khelmual ṭiṭoh vanga an lama goal lut chu an thiam loh vang ni miau lova an hriat avangin pawm harsa an ti a, chu chuan an rilru a tina a, an thin a tichhia a, huat tur an zawng a, an khingpuite chungah an

pakhat pawh hian, "Tun ṭum chu ka nei tak tak tawh ang che," tia thlem leh ṭhintu thu a rin zel avangin pa thuhmun lakah sawn pathum ngawt a pawm e an ti. Mi bum ṭhangho hi an zeim a, thiam tak maia an han sawi hlep hlep hi chuan, kum kalta lama an tih duh ngai loh zawng zawngte pawh hi, tun ṭumah hi chuan an tih duh tak tak hmel tawh riau zel ṭhin. Dawt sawi ve ngai lo leh mahni anga rinawm tura mi dangte ring ngam zel ṭhin, mi rilru tuang pangngai tan chuan, an thu leh hla hi awih leh mai a awl ṭhin bawh a, sawn bawh kan pawm leh ṭhin.

Mi kaihhruai tum lova bum tum ngar ngar tan chuan, rilru thianghlim apiang bum an awlsam. Chuvangin hmanlai thufing lar tak, "**Kan phu tawh chiah roreltu kan nei,**" tih hi tunlai atan chuan "thufing" a ni tawh lo a, "Thu mawl" a ni. Hnam chiaia min siamtu roreltute nena inphu tawka inngai zel mai tur kan ni lo. Kan phu tawh nia kan hriatte pawh hi duhtui ve pawh a hun tawh alawm maw le. Mi pamhamten an dinhmun an sawimawina ṭawngkam, chutiang mite zar zo phakhoten an puchumante dinhmun an sawimawina, chutih ruala mipuite mawl lutuka min hriat dan an puan chhuahna ṭawngkam chhe tak a ni a, Mizo pa, Kristian sakhaw bia ngatte ka aṭanga chhuak fo atan chuan mawi pawh a mawi lo e.

BAFFACOS-IN A PERTHELH

Mizoten mahni ngata inzir chhuak Scientist kan neih zinga ngaihsan awm pawl ber, mimawl ber pawhin awlsam taka kan hriatthiam theih tura finnaa thuruk pho chhuak thintu Pu C.Rokhuma hian, kum 2007-a Mautam tur hi hun rei tak atang khan a lo ur lawk a, sazu tihrem dan tur rawtna tha tak tak a lo rawt chhuak fo tawh a. A hunin min den buai hmaa hmu lawk thiam ve phak lote pawhin hlawk taka inven hna an thawh theih dan rawtna mawl tak si, tangkai em em site siamin, kum 2003 atang daih tawh khan sazu mei pakhat Re.1/- zela lei a lo rawt a. Nasa taka a nawr luih vangin hun rei lo te chung chu sorkar pawhin he rawtna hi a pawmsak a, sazu mei pawh a lei nual hman a nih kha. Mahse Sazu suat ngawrh a hun dawn vanglai tak 2006 kum bul lam atang khan sorkar berin sazu mei leina a nei ta tlat lo a, sazu mei leina tur pawisa nei si lo khan sum hlawnm lian fe fete chu Agarbati fung suih lem lemho hnenah a nuai telin a sem a, Mau-sah-kawng laihna atan phei chuan maktaduai telin an sem dur dur reng a, han luhchilh thuk deuh phei chuan, mau tawlh chhuahna kawng tha neih duh vanga kawng laih pawh a lo ni mang lo a, chhungkhat laina hnai leh party mite tana sum

mei hal ral mai maite chu peon junior ber pawhin a tih thiam awm tehreng nen, Biak In thar hawna inkhawm ang hiala urhsunin an han buatsaih a, an tuipui leh ta viau lawi a. A sawt leh tangkai lai apiang hi kan hlamchhiah a, a tangkaina awm tawh lo lam apiang hi kan tuipui vel mai mai ni te hian a lang e.

LAINAT ATANA TIHRETHEIH

Chhungkaw tam takten thlawhmma an lak theih loh phah takna chhan, Lo neitute tuilakna atana pawisa hminsa cheng nuai 73 zet hnuk khawmtu officer chu hnehna hlado nen Aizawl khawlaiah a vawk-lal-len a, tuilakna neih loh vanga buh-bal thar zo lo kut hna thawktuten an retheih phah a. Kha thil thleng kha a tuartu tan a mak viau a ni mai thei. A chhawrtu tan erawh chuan a fuh viauin a lang thung. A chhan chu, mi rethei an tam poh leh sum hmanga vote zawn a nuam tih hi politician-ho hian an lo hre Chiang em a ni. Pi Indira Gandhi kha India ram hruaitute zingah chuan mi rethei lainat bertu ni hiala sawi a ni thin. Prime Minister a nih laite khan mi rethei vengachte hian ke ngatin a kal thut a, amah vengtute khan ven him an duh si a, nasa takin a chawh buai hlut thin. Chumi chin chiah lo hmutu tan chuan ama nunna meuh pawh thap ngam

siamsakna remchang zawna mai te hi a lo ni leh thin. Chung sum siamna remchang chu a dawngtu apiangin 3% an vawm let a, vote leina atan.

Chutiang vel kan buaipui hlan chuan kum thuah hnih a lo liam a, kan inrin loh hlanin mau pawh a lo rah ta mai a, sazu a han puang ta a le, tun hi kan thleng ta a ni. Buh thar muang pawh a hmin a, sazuten an duh duh an seh zo ta maw tih hnuah kan sorkar chuan sazu mei lei thupek a han chhuah ve leh a, sazu a lo inthlah pung hnem tawh bawh a, sazu mei lei tur pawh a tam ngiang mai, kar lovah maktaduai tel lei khawm a ni a, mei khat Rs.2/- a ni lehngal. Buh min seh chhiatsak lohna tura an tlem laia mei khat Re.1/- a leina tur pawisa nei si lo, buh min seh chhiatsak zawh vek tawh hnua mei khat Rs.2/- a leina tur pawisa awm leh bawh site hi, tampui pumpelh tuma inbuatsaih dan mak ve tak zawng a ni e. A ngaihtuah chhuaktu Pu C.Rokhuma pawh a zahawm khawp mai.

Tichuan, sazu mei lei pawh chu mautam tampui laka invenna atan ni lovin, sum siamna remchang atan kan hmang ta zel a, Burma atanga sazu mei rawn tawlh, kan lo leisakte pawh an awm kha. A hun laia bengkhawn tha duh mang si lo khan, a hun liam tawh hnua sazu mei lei khawlsate chu, mipui hmuha hal ral tulin an hre leh ta lawi a, sazu

khawpin mi rethei a lainat e tih loh rual a ni lo. Chumi phenah erawh chuan thil tenawm tak a awm thung. Pi Indira tluka mi rethei tipung thiam kha India politician zingah an la awm lo e tih a ni. Thuneihna hmanga a ruahmanna reng rengah khan, mi retheite din khawchhuahna lam kawh a awm ngai lo, hun rei lo te chungga ei zawh mai tur sum fai, a thlawna sem lam deuh hlir a kawh a ni. Vawiin tlaia chaw chhum tur nei tawh lo tan chuan a thlawna pawisa fai dawn hi a hlu ber a, petu leh tiamtute chu hmangaihtu dik ber emaw tih pawh awl tak a ni. Hei hi erawh ngaihtuah ila, eng vanga vawiin tlai thlak tur pawh nei lo khawpa rethei nge kan nih? tih zawh hi.

Nakina intodelh tura rahbi dik rapa chhoh-kal inzirtir lo a, nakina rethei zual sauh tura a thlawna sum hmuh inzirtir hi kan politician-te min kaihhruai dan a nih chhung chuan, rethei kan tam telh telh ang a, kan rethei telh telh bawh ang. Kan retheih poh leh kan hlutna a hniam ang a, kan vote man a tlawm zual zel ang a, inthlan hmasaka cheng sang khat lo chuan lungawi lo thei thin kha tunah chuan cheng zanga pawhin kan tang zo tawh lo ang a, kum nga dang a liam leh hunah chuan chhungkaw kawpkim chhangpera vote hralh lo thei lo hi kan la awm ang a, kan tam telh telh ang. Chu kalphung

chu a semtu tan chuan a fuh thlawt a, hmangaihna tel miah lova inkhawngaih dan, vote zawngte tan hmanraw hlawhtling duh em em a ni reng a, tun thlengin Pi Indira Gandhi zuitute hi chuan an la ching zui a, "Vawkte man tur ka sem," an ti, "Min thlan tlin hlauh chuan cheng nuai khat kan pe ang che u," te an la ti ta deuh deuh a, khawlaiah Kristian mipuite beng hriatah zak miah lovin zuk au duha mawle!

TAK NEILO HMANGAIHNA

Hmangaihna tel miah lova inkhawngaih dan hlauhawm tak chu a thlawna pawisa fai inpek hi a ni tih hi kan hriat a hun ta hle mai. Hmangaihna tela mi khawngaih thintu Lal Isua kha chuan Kanna khuaa tui uain-a a chantir pawh khan, a bula mipuite kha thawh tur a tuk hmasa a, tui han la a, bela chhung khat turin a tir phawt a, chumi hnuah chauh kha uain kha a pe a ni. Peter-a hnena sangha tam tak a pek dawn pawh khan, li thuk lam, tlak hlum hlauhawm laia len deng turin a hrilh a. Vawi tam tak a lo den hlawhchham tawhna a ni tih Petera'n a sawi hnuah pawh Isua chuan a thupek zawma deng leh turin a ti ngat a ni. Chu chu Kristian-ten malsawmna an dawn dan kalhmang chu a ni a, a thlawna thil dawng tura inzirtir hi Indira zuituten uar mah se, Isua zuitute hi chuan uar ve loh a tha.

taka suat rem a nih loh chuan, Mautam-sazu ang maia tãmpui mitthi thlen thei a ni a, thuneihna atchilhho lah chuan hmanrua berah an neih hreh der mai si lo.

KHAWNGE MIZO TLANGVAL POLICE-TE KHA AN AWM TAK?

Mizoram UT kan nih lai, hmanni lawk, tuna kan Police senior officer-te pawh junior officer an la nih lai mai khan, Mizoram Police-te hnuchhui thiamzia te, fin chungchuanzia te, huaisenziate kha India ram state dangte hrilhfak a tling a ni. Nunna hloh phah thil sual ngat phei chu, chhui chhuah loh a awm mang lo. Khatih laia Mizo naupangte titi ber pawh, "Mizo Police-in an chhui chuan, an chhui chhuak leh em em ang," tih zel a ni. Rambuai vangin thisen inzawm pawh ral epa inep a ngai a, mahse kan Police-te fel zarah unau kara thisen luang tur tam tak pumpelh a ni. Ruk ruk a tlem a, pawngsualte ngat phei chu security force (sipai) ninhlei zualte kuthlei thuhla deuh chauh kan hre thin a ni. Mizoram Police hmel kan hmuh chuan kan thla a muang sawng sawng a, an bulah chuan him turah kan inngai a, sualna chi hrang hrang pawh a tawmim a, ruang chhar thu ringawt pawhin ni khat thil thuah ram pum a fan chhuak a, chu pawh chu kan police-te

Kan sawi thawi zawk, kut hna thawktute tuilakna tur cheng nuai 73 zet pil bo ta pawh kha, a tibotute lama thuneitute an tan tlat chhan nia lang chu, vote lei khawm a ngaih huna cheng sawmnga chauh pawh it ngawih ngawih thei tura thingtlang mite siam tumna a ni deuh maiin a lang a, a chhan dang puh tur a vang khawp nia. Kha cheng nuai sawmsarih zet kha, dik taka hmangin, khaw tam takin tha taka tuilak kawng siamna atan hmang tãngkai tak tak ta se, chhungkaw tam tak hian an lo dinchhuah phah ang a, chhungkaw intodelh kan lo pung sawt ang a, inthlan dawnah pawh vote a hralha hralh kher ngai lovin, min dinchhuaktute pawl chu lawm takin vote kan pe ang a, thianghlim tak leh lawm tlang takin kan insiam tlang ang a, Pathian rama kan thawh lawmte thlengin a lo pun phah ang. Missionary tirh chhuah tam kan aupui teh fote pawh hi a tak ram a hnaih deuh zawk tur a nih tehreng nen, kan hotute hian a letling zawngin an ngaihtuah a, mi hlawhtlin vena tur kawng zawng zawng tlawhpinsak a, tihretheih a, tlawm taka an vote leisak leh tho hi an tinzawn dan a ni leh tlat zel mai hi chu, a pawl thin vawng vawng teh e. Hei hi kut hnathawktute chuan a kip a kawin an ngaihtuah fuh thiam chiah lo nain, an ra erawh a so a, an chil a rial a, eng ber nge a chhan erawh an man fuh lo mai niin a lang. He natna hrik hi a hun

khan a chhan an chhui chhuak deuh zel a ni.

Tunhma lam kha chuan, Mizoram mipuite hi kan Police-te chungah an thla a muang a, suahsualna a thleng tlem bik lutuk pawh a ni lo, an chhui chak a, thil dik lo titute kha rang taka chhui chhuah an nih thin vang a ni ber. Tunah erawh hi chuan mipuite hi kan police-te chungah an thla a muang zo ta lo. Tun hma lama sualna chhui chhuak thiam em em thinte kha, tunah chuan sualna hnu thuptu ang hialah mipuite hian kan ngai zo ta. A chhan tam tak a awm, a then chauh lo tarlang ila.

Sorkarin Anti Corruption Branch (ACB) a din a, sorkar chhunga corruption chungchang chhui tura tih a ni. ACB-a thawk officer-te leh thawktu dangte hian, an thawh tura an chung a tlu chu theihtawp chhuahin an bawhzui a, a chang chuan an chhungkhat laina te, an thian tha te, an thenawm khawvengte pawh an han chhui rap rap chang a awm thin a, hna thawh hrehawm tak a ni ngei ang. Mahse an duty a nih miao vangin hreh tak chungte hian an hna chu tha takin an hlen chhuak tho thin. Mi dik lote chhui chhuah chin bak erawh chu an mawhphurhnain a huam lo a, an hmuhchhuah chu chipchiar taka ziakin sorkarah an thelut thin. Thubuai siamsak dan tur nen lama thu chiang an ziahsate hi, sorkar a thlen vele hian li mawnga

thlak ang vang vang a ni ta thin a, ACB hna thawh rah reng reng mipuia pho chhuah a awm ngai bawk si lo. A bo pil zel chhan hi Police-ten an thawh that loh vang a ni lo a, an chhui chhuah chian em em pawh thuneitu lamin an lo hup bo zel vangte a ni fo. Eng vanga hup bo thin nge an nih mipuiin kan hre phak lo a, mahse thuneitute berin corruption hup bo tula an hriat chuan, a hrui hmawr an lo chelh ve a nih a rinawm duh riau a, a hmawr bawk chhui thleng lova tihtawp zel mai kha inthup dan finthlak takte pawh chu a lo ni reng mai thei tihte hi kan inrinsiak dan tlangpui chu a ni. A nih loh leh thuneitu takte an tel chiah loh pawhin, a mualpho tur zingah khan thuneitu lamhnai leh tlatlum deuhte an lo tel palh reng te pawh a ni thei ve tho. 'Eiruk' ngang hi a ni a, rinthu lo chuan finfiah ngawt hleih theih a ni si lo a, kan inrinsiak luai luai a nih ber hi.

Heng ai maha la mak lehzual hi a la awm cheu. Hetia Police-te hnuchhui lai, an hlawhtling mai dawna a lan lai tak hian, a laklawhah tihtawpna thupek hi chung lam atangin a lo chhuak leh phut thin. Chutiang thupekte chu, sorkar kalphung pangngaia ziaka siam a ni ngai mang lo a, telephone hmangte hian minister-te hian thupek an sawi mai changte pawh a awm. Thuneitute a phena an tel ve

em ni?' tia press mite zawhna Home Minister berin "**A buaithlak a ni**" ti ringawta a han chhang pial liam tawp mai te, tun hnaia tualthihna lar tak Rev. Chanchinmawia thih dan chhuina report a, "Mi dang an inhnawmawih a ni tih finfiahna hmuh a ni lo," tia ziah a ngai tlatte hian mipui min tichiai a ni. Mahni inthat ngei a ni tih finfiahna an hmu pawh chu a ni chuang bawk si lo a. Eng vanga he tualthih thubuai hi a chhuitute hian tinzawn nei lawka chhui tlat nge an nih tih zawhna hi mi tin rilruah a cham bet tlat tho.

Nia, a lan dan chuan dan leh hrai hian awmzia a nei tlem em em tawh a, ram hruaitute humna tur kawng dapa phe chak apiang kha an kaisang chak zel mai nite hian a lang tawh a, chu chuan mipuite rilruah ngaih that lohna a thlen a, mipui himna a tlahniam a, at-huai hun a ni tawh lo tih kan hria a, fimkhur ngawt mai loh chuan hlauhawm a tam sawt hlein kan hria a ni. Mipuite himna chungchanga inhnialna tam takte hi chu hnam tan pawh mualpho kumkhuana tling thei a nih vangin ziaka dah tlak pawh a ni meuh lo. Vote zawnggho hian sawi leh tih tih an nei mang si lo a, mi tinte hi ngaih tha lovin, ral'ti takin kan awm mek a ni ber mai. Kan hlauh chu hel pawl an ni lo, roreltute an ni. Rorel atana kan it si loh, an tlin loh dawna thisen chhuah duh tura lang si pawl te pawh kan nei ta nual mai.

tlatna corruption sulhnu chhui chu, eng ang Police remhria leh taima tan pawh, hming chherna khawpa chhui chhuah chu a har ngiang a ni ang, mipuite chuan tute emaw chu an chhui tih thawm chauh kan hria a, enge an chhui chhuah tak a, thil dik lo titu an awm reng em tih lam chu kan hre phak tawh ngai lo. Police-te tan chuan, an hnuchhui ziktluak theih loh chhan kha mipuia puzar a rem ve tawh si lo a, an chung a thuneitute hming chhe tur thup mam a tul miao thin avangin, rim taka an thawh a, mi hmais a tam tak an tawn zawh tawh hnuah, hmingchhiat chauh an hlauh zui leh bawk si. Hengte vang hian Police rintlak leh thawk tha em em thinte pawhin thawh that zel ngaihna an hre tawh lo a, kut hnungkhirh chung a hna inthawhtir chu, a thawktu tan chuan inthawh tui ngaihna a awm lo a, ringam nih hlauh pawh a har zo ta a ni.

UT lai, rambuai vanglaia Pachhunga College Building a kan vak tuma thubuai chhuitu Aizawl Police OC chawpchilh taka Champhaia transfer thut te, Ruling Party Office pakhat bula bomb puak, file pawimawh awm lohna lai a ni remchang hlauhte leh, nui tet tet chung a Police-ten thubuai ziak luta an han chhui te, khawpui lailia inrawkna lian tham, thihna hial thlen phahna thubuai chhui chhuah theih miah si loh te, Suangpuilawn kidnap chungchang : 'chhui chhuah a harsa viau

MIPUI TE BEISEI CHU

Tichuan, mi chi tinte hetia kan phun luai luai chhan hi kan beidawn hulhual vang a ni hauh lo a, beisei tur awma kan hriat vang zawk a ni. Thuneihna chelh tawhtute kan sawisel a, fiamthu thawhna atan kan hmang vak vak a, chu chu kan tawpna tur a ni lo tih erawh chu mi tinin kan hre tlang a, beiseina mual, la sah pawh chiah loh awmin kan hria a, kan phunchiar ta em em a ni. Kan phunchiar chhante chu thil mawl te te a ni a, a tlangpuiin hengte hi an ni:-

1. State hmasawn dangte umphak kan chak.
 2. Corruption awm lohna state nih kan duh.
 3. Dan rorelna khauh mamawhin kan inhria.
 4. Khawtlang nun ralmuang se kan duh.
 5. Kan leilung hman tangkai ve kan chak.
 6. Kan ram mawina hi hlawkpui theihin kan hria
 7. Awmze nei, hah man awma hna thawh kan duh.
 8. Luipui hman tangkai tur kan la ngah.
 9. Zirna tha neih ve kan nghakhlel.
 10. Thalaite khawvel din ve kan duh.
- ...a dang pawh a la tam mai, sawi sen a ni lo e.

Tuna kan inrelbawl dan ang tlang tlang hi kan khawpkham lo a ni ber mai a, hetiang zela kan kal

hi chuan, state changkangten min tlansan thui lutuk dawnin kan hria a, chu chuan rualawt zual thalaite a tirualawt telh telh bawk si a, manganna hian a vawrtawp a thleng hman ang a, thil tha lo tak eng emaw hi kan tawngbuak phah ang tih rinna leh hlauhna lian tak kan nei a, eng chiah nge tih erawh chu kan ngaihtuah thiam lo. Kan thinlung a vakvai a nih hi. India ram state chhungah ringawt pawh mihring ve mai tho awm khawm, mihring ve tho bawkin a kaihhruai kha changkanna kawnga chak taka ke an pen thu kan chhiar a, a hmunah kan mitin kan hmu phak bawk a, hmasawna a zuana a zuan tak takna state-te hi a lo awm tak tak reng mai tihte pawh kan hmu phak vek mai.

Chu chauh pawh a ni lo, Mizo nuhote meuh pawh sap tawng thiam hauh lovin Bangkok-ah te, Hong Kong-ah te an kal a, calculator hmangin an bazar zung zung a, khawchhak lama kan unauhte hmasawn chakziate mit ngeiin kan hmu phak a, an ram an tihhmasawn chhan chu hruaitu an neih that vang a ni tihte hi zir sang tehchiam lem lote pawh hian kan hre phak vek tawh bawk a ni. Chutih laia Pathian zawnchhuah ram berah "Kan party-ah lo lut rawh, tichuan BPL-ah kan telh ve ang che," tih tawngkamte inthlemna atan leh intihtheihna atana kan ram hruaituten an la hmang leuh leuh mai hi, Mizoram hmabak ngaihtuah ve thin tan chuan, mangan loh hi a harsa viau ve bawk a ni.

thin Mizoram kha, tunah chuan kan Police-te ngei ngei pawhin vawi leh khatah an hnuchhui thiamte an theihngihl ta thut ni mai hian a lang. Dik tak leh zalen taka an thiam han thawh lehte an chakzia an sawi bang thei lo. Mahse, misual mana kutkawl buntirtu tur kan Police-te zawk hian kutkawl bun chungin hna an thawk hi a ni ber a, dan bawhchhia an mante hi kan pute lamhnai a nih leh nih loh fiah phawt loh chuan kutkawl lo buntir ngawt pawh a ngamawm tawh mang si lo. Hman deuh khan vawi khat chu zan duty police-te hian khawlaia buaina siam tlangval pahnih hi an man a, Police Station-ah an hruai a, heng tlangvalte hi hruaitu lawk tak naute an ni hlauh mai a, kan police-te chuan hawihhawm takin, "Ka pu, hei in naute nia inchhalin khawlaiah buaina an siam a, kan man a, Police Station-ah kan kawl reng mai, Engtinge kan tih dawn?" tiin telephone hian an va hrilh a, chuta chhanna an hmuh chu, "Lo chhuah nghal rawh u," tih leh telephone dah nghal a ni mai.

Hetia سوالنا chi hrang hrang lo hluar chhan hi ram rorelna dik tawk loh vang a ni tih hre mah se, police tan emaw, tlawmngai pawl tan emaw chuan thuneitute sawisel leh tihminghliaw zawnga tawng chhuah emaw, tha thawh emaw kha a lo remchang lem lo a, thuneitute rilru tina lo thei ang bera سوال

Kan inrelbawl dan hmu thiam reng chung si a, kan hmabak tur lungawi taka nghak thleng thei tho tur hi chuan, thluak bur ruak nih hial a ngai awm e. Han sawi khawm chang lah hian, kan sawi thui telh telh a, kan inngaihtuah thinrim chawp a, kan hawi fi hmawk hmawk a, beidawn vanga khaw eng zah pah lek lova sapatal a, nih nih nih mai duhna thinlungte kan nei rum rum thin. Mahse beidawn ngawt chu a sawt lo tih kan hre bawk si, beisei thar tur lah chu kan hre der bawk si lo a, Mizoram mipuite zingah hian, a ruk taka chiahi kan tam em em tih hi zep theih rual a ni lo.

KUT PHUAR CHUNGA SUAL DO

Sual do hna hian pawl hrang hrang a fan hneh thawkhat viau a ni ang, tlawmngai pawl hrang hrangte pawhin Kumpulan atan pawh ram siamthatna lam hawi an hmang ta zel a, Ram leh hnam humhalh kum te, Ruihhlo do kum te, Corruption do kumte puan a ni a, tlawmngaia thalaite chhanhim tumin, kan tlawmngai pawl te pawh an hah rim tawng tawh hle a ni. Chuti chung pawh chuan ram pumah سوالنا chi hrang hrang pun dan rate a sang chak hle tih Police-te chhinchhiahna atangin a lang thei a, police-ten an chhinchhiah lem loh thil سوال tihna thahnem tak a la awm cheuin a rinawm. Tunhma lama India rama Police nei tha ber pawla inchhal

do dan kawng zawn kha, an tih dan tur chin chu a ni ve reng bawk a. Chuvangin a tisualtu do lovin, an tihsualin a rah chhuah سوالنا dovin kumpunahte kan neih a, eng emaw chen chu a ziaawm ve deuh thin tak nain, a rutu hova rukru um chu man chhuah tak tak a har a, rukruk pawhin a tlem phah mawh hle zawng a nih hi. Hma han hruai a, mawh latu tur sorkar ber hian awmze neia sul han sut a tum lem lo a, tlawmngai pawl te meizial zuk chawlh chhung chauh pawhin, ruihhlo a lo hluar nghal phut a, kan thalai thahnem takin an tawrh phah hman deuh zel a ni. Ram rorelna leh mipuite thlamuanna tur chu sorkar Police-te leh Excise Force-te an nih lain, tunah hi chuan mipuite himna leh ram ralmuannate hi chu tlawmngai pawl te kutah kan papek ta a ni ber mai. Puan pho a bo a, "Khawngge YMA" kan ti a, khawlaiah zu rui an bengchheng a, inpawngsualna te, ruang chharte a awm changin, mipuite mitthlaah hian sorkar leh police an lang pha ta meuh lo a, "Khawngge YMA, Khawngge JAC, VDP kan nei na nge?" kan ti zel ta mai a nih hi. Tlawmngai pawl kan neih thatzia leh thuneituten an hman tangkai si lohzia hi a mangan thlak teh e. Kan tlawmngai pawl ropui tak takte leh, kan thalai rualte hi, dan leh hrai dul lutuk vanga سوال punlun mek umtu atan mai ni lo, سوالnain hmun a chan

hman hauh lohna tura hmanrua atan an tling tawk a, mahse an thawh hlawk theihna mual lamah hman t̄angkai an ni rih si lo a, rorelna dik lovin a hrin chhuah sual rah kan buaipui hlut zel zawng a nih hi.

SAWHTHING POLITICS

Chhungkaw t̄ahnem berte inngahna Kut hna thawh lam han thlir leh thung ila. Roreltute chuan kan ram hmasawn dan hi chhuanawm an tiin lungawithlak hleah an puang. Mahse Zokhaw lama kut hna thawktute erawh chu an ril̄tam authawm a ring hle thung a, an manganzia puang chhuakin thuneitute hmuh phakah an hnathawh thuamhnaw nen kawng an zawh ta hial a nih kha. Kan ram leilung Pathianin a siam tuizia chu a luahtute hian kan hria, eng thlai mai pawh hi a ram chhung mipuite kham khawp chu a thar theih vek tih pawh kan hre bawk. Mizoram chhunga cheng mi zaa sawmsarih chuang mahte hi rim taka kut hna thawka ei zawng an ni, mahse rim taka hna thawh chuan hlawkna reng reng a nei lo a, mi ramahte an kut hna thawktute tan ruahmanna an neih t̄at tehreng nen, keini ramah erawh chuan thawkrim apiangte an hah thlawn a, an thawhchhuah hralhna kawngah sorkarin a t̄anpui lo chauh ni

Mahse vanduaithlak takin Sawthing hralhnaah hian kan sorkar hi a inrawlh tlat mai a, a intithu em em bawk si a. A rate a siam thul, a tidanglam thul, phurh man a tipung thul, a tihlem leh thul. A leina hmun a ruat a, a changin a sawn leh a. Serthlum angin a chingtute hnen a t̄anga a duh duhin an lei kha kan sorkar hian a khap a, hralhna tur bik siamin party lama an mi duhsakte Sawthing lei phalna a pe a, chumi hnenah chauh lo chuan hmun danga hralh a phal lo a, phurh kual pawh a phal lo t̄hin. Chutianga sawthing lei phalna a pekte chuan an duhna hmun hmunah Check Gate te an siam a, sawthing veivak kha sorkar thupekin an lo khap t̄hin. Hetia an tih chhan hi Kut hna thawktute hmangaih vang chu a ni lul lo, tute thawhrim emaw zarah party worker tu emawin t̄huthmun a t̄angin a hlawkna lo tel se tih duhna vang mai a ni. Sawthing leh Serthlum hi sorkar ngaihah engatinge a danglam? Sawthing khuahkhirha Serthlum thlah zalen chhan hi enge ni ang aw? Serthlum chu a kungah a rah vang leh, Sawthing chu lei hnuaiyah a zungah a rah vang te a nih ngawt loh chuan, danglam taka enkawl a nih chhan hi ngaihtuah chhuah thiam a harsa khawp mai.

Sorkarin Sawthing chingtute an hrek vanga a tihmangan em em lai a, Serthlum chingtute chung a inrawlh lo hlauh hi chu, Serthlum chinga

lovin, harsatna a lo siamsak zawk hlauh t̄hin a nih hi. He thu tifiyah tur hian entirna pakhat lek han tarlang ila -

Serthlum hi Mizoram hmun tam takah a t̄ha duhin a rah hlawk thei hle tih a takin kan hmu. Hachhek tlang dungah te, ram laili Lunglei kawngpui tlangdung tluanah te, hmarchhak lam Sialkal tlangdung leh Tuisual ral thleng thlengin, kum sual kum a nih loh chuan a rah tiar tuar a ni. Vanneihthlak takin kan state sorkar ding tawh zawng zawngte kha Serthlum hralh danah hian an inrawlh lo hlauh mai a. Phai lam a t̄angin Marwari hausa an lo zin a, hmun hrang hranga Serthlum huan an tlawh kual a, a rah hmin hma a t̄angin an rawn mitmei a, an hisap vang vang a, a hmin huna an leina ngam tawk tur an sawi a, a neitute nen inremsiamin lungawi tlang takin pawisa pe lawkin an inlei mai t̄hin. Serthlum hralh hnu leh a lawh hun inkarah rial a tla palh thei a, Cyclone-in a nuai chiam thei. Mahse a leituin a man a pek tawh miau avangin, risk latu chu a leitu kha a ni a, huan neitu tan thawhrim man pawh a awm hle a ni.

Thlai dang, Mizorama kan chin uar em em, kum tina kan buaipui luai luai chu Sawthing a ni. Sawthing phehi hi chu Mizoram pumah hlawk takin a thar theih ti ila, kan sawi sual awm lo e.

eizawngte tan chuan Malsawmna nasa tak a ni. Han inrawlh vaih sela chuan, a sen laiin party worker-hoin an rawn thlir ve ang a, a man chanve vel pein an han hauh ang a, a neitu tan zuah loh ngam mang si loh, zuah dawna a man hmu kim bawk si lo, thlamuang lo takin an siam ang a, sawthing chingtute aia nasa takin an mang an tiang ngei ang. A chhan chu, Sawthing chu a hralhna a chhiat kum chuan an cho duh lo mai a. Serthlum kha chu zuah ve chi a ni ve si lo a, t̄anpui tur a tam teh ang chu aw! Chuvangin, Serthlum huan siama eizawngte tan hi chuan, Serthlum chungchangah sorkar a inrawlh lohna tura t̄awngt̄ai ngar ngar mai chi a ni.

Tunah hian mangannain a phuar khawm Kut hna thawktu pawlte a ding a, ram pum an dap chhuak mek a. An chung a thil thleng ang hi ram danga kut hnathawktute chungah thleng ve ta se, Mizo paho anga dawh thei hian tun thlengin an awm tawh hauh lo ang. Mahse Kristian Kut hna thawktu an ni a, Pathian rinchhana dikna sual chhuah tumtute an nih avangin, dawhtheihna nen an inthuum a, anni hi Pathian hnathawh Mizoten a hringhrana kan hmuh theih hlu tak chu an ni mai awm mang e tih a rin theih. Mangannain a um khawm ni na na na, a t̄anpui theitu tur thuneituten chhawmdawl lam ngaihtuah lo va, a dodal tur pawl an din ni awma langte hi a remhriat loh thlak teh e.

BEN HARH ZAWH LOH POLITICIAN

Media lam han thlir ve thung ila. Ni tin mai hian ram rorelna khawp kham lohna thu leh, kalphung tha zawk rawtna lam thu chhiar tur leh ngaihthlak tur a tam ta malh malh hle mai. Hetia chanchinbuah leh TV lama sawiselna leh rawtna lo langte hi, a tam zawk mah chu media mite ziah ni lovin, thiamna sang tak tak nei, chik taka thil chhut a, ram dang chinchang hriate ziah an ni deuh ber zawk. University leh College-a thawk te, sorkar pisaa hna lian tak tak thawkte pawh an ni. Ram inrelbawl dan a taka hria, a hmuna hmu, a manganthlak dan Chiang taka hria, a hrin chhuah tur hmu lawk thiamte an ni a, sorkar mi an nih miau avangin an hming an tarlan a remchan loh chang a awm fo thin a, an fate kohduatna hmingte an rawn inchhal hram hram thin. Mi zalenhoten an hming dik tak an tarlang ang hian an hming an tarlan a rem ve miau lo a, hming lem an rawn invuah avang maiin an thu leh hlate hi dal deuha lo ngaih mai tur pawh a ni lem lo. A chang chuan an thute hi a rintlak zawk mah fo tih hi chanchinbu chhiartuten hriatthiam a ngai. Chutiang mite chuan sorkar kalphung atana rawtna tha tak tak an rawn vawrh chhuak thin. Kan rama roreltute hian lo chhiarin lo zir peih se la chuan, insiamthatna tham rawtna

thahnemngai takin a campaign a, an sawm zau lu deuh a ni mai thei. Mi dang pakhat ve thung chu chief minister nih tum em em, la ni rih lo hi a ni a, a thuihruaite campaign mai duh tawk lovin amah ngei chuan mobile phone hmangin sms vote a zawng ve thung a, a hmel leh a thil tih a inmil lo viau.

Chutiang hmanraw hmanga mite duh ber anga an lo lan khan, mipuiin an rin phah viau dawnin an ngai a, an ngaih a tha em em a. Bum an nih an inhria a, bumtu pawh tu dang ni lovin anmahni ngei an ni tih pawh an inhria; mi dangin an hre ve lo emaw an ti a, bum an nih kha miin an hriatsak mai ni lovin, anmahni leh anmahni an inbum tih thlengin an hriatsak si a, kawng sira thukhawm thalaihote thlengin fiamthu thawh nan an hmang vel mai mai a, anmahni lah chuan an hre der si lo. Kan ram hruaitute leh hruai tumtute hian thuneihna an thlakhlelh luatna lamah khua pawh an hmu ta meuh lo a, anmahni leh anmahni hmuhsitawmah an insiam a, an khua leh tuite chu anmahni aia hnuaihngung fe niin min la hre lehngal a, a manganthlak teh zawng a nih hi! Lang lo tura thuhruk a awm lo a, hriat loh tura zep ruk a awm thei hek lo, tih ang deuh khan, heti taka media a chak tak hnu hi chuan, mipuite hian thil kan hre chak tawh a, hriat loh tur tur hi kan hre zel bawk a ni.

zawng an dawng tawh na meuh e.

Vanduaithlak takin kan rama roreltute zingah hian, mipui Aw ber chanchinbu chhiar taima tak hi an tam lo hle a, anmahni chanchin a chhia a tha ziahna tal chhinchhiahtir a, chhiar tur atana lak khawmtir pawh hi an awm mang lo a ni awm e. Chu a hnehin thuneitu apiang mai hian anmahni fakna a nih loh chuan thuziak engmah hi an dawngsawng thiam lo tlat zel a ni. Thu ziak reng reng, anmahni sawiselna lam chi tawh phawt chu an hmelma en nghal chawt a, anmahni chawimawina lam hawi a nih erawh chuan dawt a ni tih an hriat chian sa reng pawh an pawm a, zau taka thehdarh an duh thin. Mahni inbum pawh pawisa tawh lo, ram hruaitu nih tum bawk si hi kan ngah fu tawh a ni awm e. He thu tihfiahna atan hian tun hnaia thil thleng, tak nei ngei han tarlang lawk ila: Aizawla chhuak ni tin chanchinbu pakhat chuan, Mizoram hruaitu lu ber atana duh ber mipui ngaihndan thawh theihna huang a hawng a, mobile phone-a sms hmanga vote pek tur a ni. Ram hruaitu lu ber ni phaka inngai zingah mipui ngaihndana lansarh loh hlau fal zual an awm a, pakhat chu chief minisrter pawh lo ni tawh a ni a, a party mi leh saten thahnemngai taka sms vote an pek chu duh tawk lovin, a nupui chenin sms vote zawngin

KOHRAN A INSUM HRAM HRAM

Ram rorelna dik lo chuan Kohhran leh Sakhua lam pawh a nghawng na ta viau a ni ang e, Kohhran huang chhunga an zirtir tam ber chu ram rorelna dik a lo din theihna tura Kohhran mipuite huaisen tura fuihna thu a ni ta. Thuneihna chuha vote zawn dan bawlhhlawh leh rapthlak tak tak, inrikrapna te, sum leh pai cheleknate hi ram rorelna kal sual tanna a ni tih hriain, a hluar zel lohna tura dodal hna pawh Kohhran hrang hrangte inthurualin an lo thawk ta hial a, a hautakin a hna pawh a rum hle a, mipuite ngaihndanah phei chuan, martar-te pawh an awm tawh hial a ni.

Rorelna tha lovin khawtlang nun leh sakhua thlenga a khawih chhiat pawl thui theihzia hre Chiangtu Kohhrante chu an intel ruh sauh sauh a, MLA thlan leh hunah chuan mipuiten zalen tak leh thianghlim taka roreltu an thlan theihna turin Pathian rinchhana engkim huamin an pen chhuak mek a ni. Hei chauh hi Mizoram siam that lehna atana Mizoram mipuite nghahfak awmchhun a ni ta hial mai. Kohhran hmalakna hi a lang chuan pawl tinin an thlawp a, pawl thenkhat erawh chuan a rukin na takin an dodal thung. Serh leh sang nei lova thuneihna kheltute tan chuan, thianghlimna leh

diknate hi hmelma tihbaiawm ber an ni reng a, hnawk an ti em em pawh hi a awm viau reng a ni. Ralthuam hmanga mipuite vau beh a, nunna chhala vote tura invauna hi vote zawn dan hlawk ber, hlawhtlinpui awlsam ber a ni. A dawtah chuan vote thlak dawn zan vela in tina len kual a, pawisa fai sem hi a ni leh bawk.

Heng hmanraw bawlhhlawh tak hmang hreh lo party-te hi Bihar velah chauh awma kan rin laiin, Mizoramahte pawh kan awm ve ta chu a ni a, a lungchhiatthlak tak zet a, chutiang hmanraw hmang duhtu pawl zinga sakhaw mi tak tak nia ngaih lungsi taka an han awm thei tlat nia langte hian lungchhiat a tizual. Roreltute hi Pathian min pek tih hi chu kan pawm lo ngam lo a, mahse ni tha lo atana Pathianin a pekte pawh an awm ve bawk. Pathian mi ruatte hian a ruattu Pathian an hawisan chang a awm ve fo thin a ni. Pathian an han hawisan vek vek hi chuan, mipui naran ai hian an nun a bawraw zawk duh fo lehngal. Thil bawlhhlawh tak tak an tih hreh miah loh hnua Pathianin a han hnuchhawn ve tawh chinah meuh phei hi chuan, sakawlh aiin an rapthlak fo thin a ni. Pathian mi thlan, a zawlneite hmanga Lal atana hriak a thih ngei Lal Saul-a hun hnunung lam rapthlakziate kha kan hria; amah hmangaiha rimawi tumsaktu atana a koh Davida ngei pawh feia khawh hlum a tum a, lal khawnbawl

MPF HIAN LAL AN KHEL EM?

(MPF chuan enge a tih a, engtia hmalak nge a tum tih hre turin MPF president hmasa ber, Chatuan ram min pansan ta Rev. Chanchinmawian ni 14.9.07-a a thu ziak hi lo chhiar lawk ila.)

MPF hmalak dan

Rev. Chanchinmawia

MPF hi Synod thurel atanga lo piang chhuak, Kohhran pawl hrang hrang leh Tlawmngai pawl hrang hrangten an kenkawh mek a ni. Party politics siam that a, sorkar tha kan neih theih nana thawkin hma a la mek zel bawk. Ram rorelna chan a tum lo va, a tum a thiang na hek lo. MPF-ah hian Kohhran aiawh tur pawhin Party Politics-a inhnamnawihthe chu an tel pawh a rem bawk lo. Chuvangin Society Registration pawh nei tura beih mek a ni. Hmun tinah neutral hlawm lian tak a awm a, politik chhia tireh a, sorkar tha piantir hi a beisei chu a ni. Political party-te pianthartir a tum a nih chu. Mipui hnenah politik tha kawhmuh a, pianthartir a tum bawk. Corruption chhui chhuah a, do a tum lem lo. Thianghlim taka roreltu tur mi tha thlan a, sorkar duhawm tak neih theih a duh ber. Chu chu kan ram tan tisa leh thlarauva kan mamawh ber a ni. Tun hi hun tha a ni a, pianthar a hun ta. Hei hi Pathian duhzawng a

upate chelh luai luai a ngai a nih kha.

Eng hun pawh tawng ila, boruak maksak tak tak kan tawh mekte pawh hi, Pathian tihute thawhrim zarah Pathianin a la rel fel ngei ang tih beiseiin, beidawng hauh lovin Pathian i au zel ang u. Kohhran tangrual Mizo People Forum (MPF) kan nei a, ram pum huap tlawmngai pawl YMA-te pawh kan nei a, Kristian rama thil thleng atana iaiawm chinte chu tihbo tumin theihtawp chhuah an tum mek a, Pathian hmanrua an ni ngei ang tih pawm ila, Mizoram hi Pathian tihna rama siam duhtu zawng zawngte tan chuan, Kohhran tangrualin a din Thahnemngai pawl te sukthlek hi kan ngaihchan thiam pawh a pawimawh hle a, vote pekna tur pawl fiahfai taka min hrilh rawt rawt tura beisei chu a dik lo ang a, an mitmei erawh en thiam ila, ramin a dam phah a beisei awm. Pathian kan rinchhan takzet chuan Pathian hnathawh kan la hmu ngei ang tih i ring ngam ang u. Lal Isua thusawi kan hriat lar em em zinga pakhat chauh "*Min seng khawmpui lo chuan a theh darh a ni,*" a tih kha. Kan zui Isua hi chuan sum thianghlim lo hmanga inkhelh lal te, thisen rawngkaia invauna hmanga thuneihna chuhte hi a duh zawng a nih a rinawm loh e.

ni. MPF hmalakna tur hi hlawm hnih lian tak a ni a, chungte chu:-

Inthlanna thianghlim

Mizorama kan inthlan dan hi a tawpin a chhe sawt hle. Kristian lo tak a ni. Chuvangin MPF chuan nasa takin hma a la a, a sawt hle, Hetiangin:-

(a) *Sum sen tihtlem:* Candidate-te senso tihtlem nan leh mi retheite vote inleisak a nih loh nan kawng chi hrang hrangin a thawk a, boruak a tithain Tlungvel Constituency by-election-ah khan candidate-te senso pawh a hniam ta. Ruaitheh, buh, thing leh lung inphurhsak, sum sem leh house campaign ti lo tura inzirtirna pawh a lo hlawhtling ta zel hi thil lawmawm tak a ni. Party flag tar dan thlengin in-control a lo ni ta. Vote lei emaw, a hralhtu nih emaw a that lohzia uar takin a puang a, Kohhranho tawngtaina nen Local Forum-ten an thawk rim bawk a, a thianghlim sawt hle. Vote lei tumna te, candidate-te sum lo dil tumnate a lo bo tan ta hi a lawmawm tak zet a ni.

(b) *Vantlang inkhawm buatsaih:* Candidate-ten an party programme mipuite hnenah an puang tawh ngai lo va, mipui huapzo vantlang inkhawm pawh a awm ngai tawh bawk lo. Manifesto pawh inzirtir mumal a ni hek lo. MPF chuan vantlang inkhawm mi tin tan a buatsaihsak a, hei hi a tha

hle. Sorkar hnathawkte pawh MPF kaihhraina hnuaiach chuan zalen takin an tel vek thei a, a hlu hle a ni. Political Party tinte hi ram tana thawh an tum dan leh tihpuitlin an tum dan chiang taka vantlang zinga puang thei turin a beisei zui zel dawn bawk. Hetianga party meeting ni lo, mipui huap a lo awm thar leh thei ta hi a duhawm reng a ni.

(c) *Ralthuam chelek dodalna*: Kum 2003 inthlanah khan ralthuam chelek leh hel inrawlhna a awma sawi a nih avangin, MPF chuan Mizoram politik hian khur chhia siam that theih loh tur, Manipur state ang khi a neih a hlau em em. MPF chuan hei hi mi tinin kan do ngaiin a hria. A din tirh atangin a constitution-ah leh a hmalak dan tur kaihhrainaah a lo telh vek tawh a ni. MPF hmalakna hi Election Commission-in observer a rawn tirhte pawh khan tha an tiin an fak em em bawk. Tawngtaina nen i kal zel ang u.

***Rorelna tha a awm theih nana
Sorkar tanpui.***

Hei hi MPF thil tum bung 2-na chu a ni. MPF chuan inthlanna fel fai leh boruak duhawm tak atanga sorkar lo piang chu a tul anga thurawn pek te, fuih an ngaihna laia fuih leh tihhuaisen an ngaihna laia tihhuaisente a tum dawn a ni. Entir nan, sum sen a tam dawn avangin PWD Minister-

ngen a che u. "Keini party chuan suma vote lei i tum hauh lo vang u, a sawi pawh sawi ri suh u," tiin lo inzirtir ve teh u. Ralthuam leh helhote hmanga democracy tihchhiat ai chuan, roreltu nih loh a tha zawk," tiin lo inzirtir bawk rawh u. Ram leh ram kan indo chuan a pawl dawn em mai. In party hming lam a nih rual ruala mipuiin ram tana in thiltih tum pali/panga an hriat nghal thawt theih turin, in programme tichiang bawk ang che u. Party tinah hian Diabola ngam loh tur mi rinawm in rawn pen chhuak thei dawn lawm ni? ...

Mizo People Forum (MPF) lo zik chhuah dan chu a khaipa leh hruaitu hmasa berin ziaka a dah ngei atangin kan hre ta. Hmun thenkhatah chuan MPF hi pastor pension tur thenkhatin politics-a thuneihna khela an inhmakhuana ni awma puhte pawh an hlawh mek a, puhtuten an puh thiam viauna hmun thenkhatah phei chuan Kohhran mipuite pawhin an awih hial a ni awm e. Tute emawin sual an han do a, an ep lama tang nia lo inngaihbel tlat an awm thin hi chu, darthlang fiah tak hmaa maimitchinga inen ang deuh a ni. Mahni inhmaw lo mah se fiah takin a lang tho thin. Rev. Chanchinmawia thuziak hi ngun takin chhiar ila, Kohhran tha chakna kailawna hmanga khawvel thuneihna lama inhlankai an tum lohzia chu hre duh tan chuan a chiang khawp mai.

in Bawngkawn leh Durtlang inkara kawng tha siam a huphurh hle a, Tuten emaw 'Yarcaud-ah i kal na nge?' Simla pawh i la hmu lo a ni maw?' ti hialin an lo fuih a, chu chuan tumruhna a pe ngeiin a rinawm.

Heng hi chu hunin a la rawn hril chawp tur a ni ang. Sawi vak pawh a tul rih lovah ngai ila. Mahni hmasialna rilru paihin roreltute chu thil tha tiha intlansiak turin MPF chuan a beisei reng dawn a ni.

Zoram mipuite hnena ka sawi duh leh chu, Politics tuinu atanga indo ai chuan, neutral rilru pu MPF thlirna tlang atanga thlir hi Mizoram kan mamawh chu a ni, tih hi a ni. 'Neutral' hi 'vote nei ve lo' tihna a ni lo va, 'duh bik nei lo' tihna pawh a ni lo. Tu party mahin a control phak ve loh, 'mahni duh apiang vote thei' tihna zawk a ni. Sorkara mahni tanghma tur beisei lem lo, mi huaisen an ni zawk. Party miten an zah leh an it em em an ni, i ti mai teh ang. Inhlawm tha phei ila an zah leh hlauh em em tur kan ni. Politics khel ve lo tura ngaihte - Sorkar hnathawk te, zirlai te, Kohhran hi ka ta a ni, titu zawng zawng te, Tlawmngai pawla rilru dik tak pua telte leh, mi rilru tluangte reng reng chuan MPF thil tumte hi hlen chhuak ngei ngei tura tan tlan a tul dawn a ni. Inhriat tawn deuh pawh a la tul mai thei e.

A tawp berah chuan political party hotute ka

**CORRUPTION HRINGTU
INTHLAN SENSO TAM**

Kum 2003-a inthlan boruak kha tumahin kan la theihngilh lo ang. Khami tum khan, sum chelek a nasa deuh e tia sawi a tam vangin, Kohhran hruaitu lamten finfiah tumin a chhui chiang tur an ruat a, chuta hmuh chhuah tak chu, tlin inbeisei phak zingah chuan, a sengso tlem pawlin cheng nuai ruk vel an hmang ral a, a sengso tam pawl chuan cheng nuai za chuang zet an hmang ral tih a ni. Heti taka candidate-te an insenso tam hi, sawi mamsak tumtu pawlte chuan, "Anmahni sum tho an hmang a, an phal phawtte chuan an duh zah zah hmang ang hmiang!" an ti a ni awm e. Hmaih hauh lova kan ngaihtuah tur a awm; Vote zawnna atana pawisa tam tak senso hian nghawng tha lo tam tak a nei zui ziah a, thil tha lam a nghawng chhuak ngai meuh lo. A tawi thei ang bera sawifiah dan chu, inthlanna senso hian hlemhletna a hring deuh zel a, sengso tam ngam apiang hi corruption-ah an hleihluak zel ti ila, a fiah mai awm e.

Tuna kan kalphung hi mipuiin kan pawm tlang a nih a, siam that dan kan ngaihtuah loh chuan, senso tur nei tam, mi hausa, sum neih hmachhuan chinte chauhin rorelna hmun an luah theih hun hi a inher chhuak mai tak tak dawnin a lang ruau ruau a, hun hla lo teah hian Assembly House hi mi

hausate nuamtawlina hmunah a chang thuai ang tih a rin lawk theih a ni. Chutiang hun kan thlen meuh chuan, remhriatna te, thiamna te, dik taka thawh duhna te, ram hmasawna vei te, mipui rawng-bawlsak tura inpeknate khan kawngro a su zo tawh lo ang. Vote zawna atana senso tur pawisa nei tam tam kha ram roreltu turte chu an ni tawh ang a, engtinngge ramin hma a sawn ang? tih ngaihtuah tawh lovin, engtinngge kan chhungkua hi kan lo hausak sawt ang? tih chu ram rorelna luahtute enghelh ber a ni tawh ang. Engkim hlutna hi suma teh a ni ang a, roreltute berin sum an pathian tawh chuan, tumbu khawrha Inrinni zing bazar hun thlahlel ngawih ngawihte tan chuan he ram hi hremhmun a ni ringawt tawh ang.

Mizoram in a mamawh tam tak zingah a mi cheng tam berte inngahna Kut hnathawh lam (Agriculture) te, chhungkaw tinin kan buaipui theuh zirna lam (Education) te hi lo ngaihtuah ta ila. MLA ni tura cheng nuai sawm tal hman tur nei a ngaih baw si chuan, hausak vang ringawta roreltu ni ve mai, tuthlawh leh hachhek pawh hre hrang hauh lote kha agriculture minister-te an ni ang a, kan education minister zir tawiziate hi fiamthu thawhna atan kan hman mai mai hunte hi a thleng mai ang tih hlauhawm tak a ni.

tur te, kan tui kawng (irrigation) siamna turte chuan kawng a han bo tan a, vote zawn hun laia kut hna thawktute tinzawn ruahmanna, tisa a chang tawh mai tura kan lo ngaih kha, vawi leh khatah a inlet thut a, thang kamtute lamah a inher duak a, tisa a chang mai tur anga lang kha thu-ah a chang leh daih thin a, a thamral leh mai thin. Pathian thuah chuan, 'thu' kha 'tisaah' a chang a, ... a ropuizia kan hmu, tih kan chhiar a, tisa zawk kha thu-ah a chan hi chuan, a ropuizia hmuh tur a awm ta thin lo a, a pawizia chauh kan hmu thin a ni. Thinrim engphiarin han zualko dawn ila, kan hek tum berte kha kan zualkona tur kan hotute sumhmunahte hian an lo thu nui vur vur a, eng ruai kan ang dawn lo tih hi a Chiang sa ngawih ngawih tawh thin.

Inthlan senso atana pawisa thawh thiamhoin thu neitute an han thinglet tak tak mai thin hi chu, rapthlak tham tak a ni. A nihna ang diak diak hian tarlang ta ila, Kohran Upa leh Pastor chinte hi chuan an awih lo tawp ang, Mizo Kristian zinga thil thleng atan an puh phal lo ang a, a sawitu zawk hi mi daw thei nih kan hlauhawm zaw lel ang tih a hlauhawm hial zawk. Minister nih hlama fel fai taka hna thawh tum ni awma insawi, sum tawlhpanala tlu lut laklawh leh site chanchinte hi, a ngial a ngan chuan ziaka dah tlak pawh a ni lo.

MAKTADUAI - THANG

Mahni pawisa cheng maktaduai chuang zet vote leina atana hmanral aia a let tam taka hlauhawm a la awm cheu. Kan Mizoram chhungah ngei hian, mi hausa thenkhat, inthlan dawn hnaia party hrang hrang hnaia pawisa cheng maktaduai tel thawha thang kam ching an awm ve ta hi a ni. Hengho thangkam hian a perthelh ngai lo, a khan zawng zawngah an kam kim vek zel. Chu mai a la ni lo a, awk tura an duhte ngei hian chu thang chu an ngam em em a, an awk thelh ang tih hlau takin a hman nia an hriat lai kha an dai chat chat thin. Thang kamtu leh thanga awh tumte an inthlual miau tawh chuan, perthelh ngaihna a awm tawh lo ve baw a ni- a mak lo e. He thangah hian sorkar siam tawh party hotute an la awk deuh zel a, sorkar siam tum pawla hruaitute pawh an bang tawh bik chuang lo. Chu vang tak chuan alawm, sorkar fel leh dik din tura ring tak taka intiam chung si a, Maktaduai-Thanga awk tawh baw site hi rin ngam an harsat tawh thin chhan chu ni.

Thang zawng zawngin a awh tur a awh kim vek hnuah chuan sorkar a han piang ta ngei a, thuneituten nghawng taw nei lo hruizen an lo awrh far a, hrui hmawr lehlamah thang kam thiamhoin an lo chelh tawh baw si a, kan feh kawng laihna

Mipuiten hmasawna hna (project) emaw kan tih, kan khua min hmangaih vanga min pek nia kan lo hriatte hi, han hriat chian chuan, vote zawn laia an lakbat rulhna atana rem leh rem lova tu emaw hna an siamsakna mai te hi a lo ni leh thin. Hetia hna an inpek hian a enga mah hmam 3% an han chawitir phawt a, inthlan leh huna vote zawna atan party fund-ah an dah a. A awmzia chu - In khaw Damdawi In sakna atan cheng nuai 100 ruahman a ni a, nuai thum chu party fund atan an han sawk hek phawt a. Cement bag 1000 leina daih lai a ni. In khaw Damdawi In chu hlep awm miau lovin contractor-in sa pawh ni se, cement bag 1000 hu tawkin a tlo loh phah tihna a ni phawt. Chu pawisa, in khaw Damdawi In chhiat phahna tho chu, inthlan dawna i vote leina atana an rawn hmatheh kha a la ni ta deuh deuh a. Pawi i ti lo em? Tawng khawlo ni suh se, i damloh ni a thlen palh a, damdawi ina enkawl i ngaih hunah, i mamawh damdawi kha a hun takah i hmuh loh phah ang a, i awmna damdawi in chhuat a phut dep dup phah ang a, i khum bul electric bulb chhia vangin thim zingah i mut phah ang a, i malpui ruh tliah leh tliah loh finfiahna atana hmanrua X-Ray khawl chhia repair-na pawisa a awm loh phah ang a, hlauhawm awm khawpa damlo, thawk harsa tite hip tur Oxygen a awm loh phah ang. Chu chu vote

zawn nana mi hausa pawisa puk rah chu a ni a, he mi rethei taksa hian a tuar a, saw mi hausa sum bawm sawn a puar phah thung a ni.

Chu kawng peng thumamah chuan nang leh kei hi tunah hian kan ding mek a, kan duhthlanna, kan vote ngei hmang hian he politics tenawm tak hi kan tihtenawm belhchhah thei a, a tawpah nang leh kei bawk hi a tuartu, mi nuihzabura tang tur chu kan ni dawn a nia. Chu kan vote vek hmang chuan he hnam hi kan tungding thei a, hnam zahawm takah kan siam thei a, a tawpah nang leh i chhungte nen, khawtlang leh ram hlawk takin a rah kan seng thei bawk. Khawvel awm tirh ata, vawiin thlenga thudik, la danglam reng reng lo chu, "Ram retheiah mimal a hausak fal theih ngai loh a, ram hausaah erawh chuan rethei fal a awm theih ngai loh bawk" tih hi a ni. Khawi lam kawng nge kan zawh dawn tih bukna hun remchang hi kum 2008 kum tawp lamah hian a awm leh dawn a, mahni inchhanchhuah nachang hre lovin, thenawmpa In chhawng sak zawmna tur hi kan vote chhuak leh mai ang tih kan inhlauhpuoi tawn hle ang tih a rinawm. Vote zawrh, hralh leh lei hi tih mai mai a ni lo a, sapui hliam beih ang a ni a, a hnu a rulchuk duh hle a, a fing zawka inngai hian an thih phah duh teh a nia. Fimkhur hun lai ber a ni.

Hetiang hi thil kalhmang a ni tih hre ranin, vote lei ching mi chuan mipuite chu hmangaih tak chung siin, vote zuar lo thei lo khawpa khawsak harsa ni reng turin, tih dan tawk an thiam hle thin. Mipuite khawsak a hniam poh leh vote leitu tan chuan vote man atan sum sen a ngai tlem tihna a ni. Mahse BPL Member nihte hi inchuh lo thei kan ni hlei nem - a aia dinhmun thaa kan chuankai ve hlau ngawih ngawih tuten thuneihna an chan zel chhung hi chuan. "Kan party-ah lo lut la, BPL-ah kan telh ang che," tia min thlem tuten min hmuhsitzia hi sawifiah ngaihna pawh a awm lo.

Mizoram zimzia te, mihring tlemzia te, thlai tinrengin a ngeih dante ngaihtuah hi chuan, Mizorama sum (budget) lo lut zawng zawng hi, a zatve chauh tal pawh dik taka hman ni se, khawsak harsa fal lutuk awm lo hian a inkhai rual theih a, inthlan dawna mahni duhzawng pawh thlang thei lo khawpa 'vote' meuh hralh ngai lo tur khawp hi chuan kan awm tlang thei a ni. Hei vang hian, vote lei duhna thinlung pu chin ngat tawh hi chuan mi retheite khawngaihna reng reng an nei lo tiin puh ta ila, haw ngam awm tak maw le. Chutiang mite tan chuan VOTE lei hi a hlu em em a, tih makmawh a ni tlat a, ngam pawh an ngam huai viau reng a ni. Chuvangin, inthlan dawna VOTE lei tuma veivak

VOTE HRALH HLAWK LOHZIA

Pawisa faia vote lei leh hralh hi a taka hmu lo tan chuan awih harsa tak a ni a, a taka hmutu tan erawh chuan thil hmuh hrehawm tak a ni thung. Vote lei leh hralh hian ken tel tam tak a nei a, a langsar zual chauh lo tarlang ila.

- (1) Pawisa faia vote leitu chu thlan tlin a lo nih hlauh chuan a vote leinate mitmei a ven a ngai tawh lo va, a vote man a pek tawh miau vangin zalen takin a duh duhin a khawsa tawh thin.
- (2) Bial tana hmasawanna hna thawk chiam tura beisei theih a ni tawh lo, a mawhphurhna kha vote thlak hmam pawisa faian a tlat fai vek tawh tlat a, mipui pawhin an vote man an tel tawh vangin, thil tha an phut ngam tawh lo.
- (3) Pawisa faia vote hralhtu chuan a hlutna leh zalenna zawng zawng a hralh tel a, a vote leitu hnenah hamthatna eng chi pawh a mimal tan leh an bial tan huai takin a phut ngam tawh lo a, a man a tel fel diam tawh avangin beisei dang a nei a rem tawh lo.
- (4) Vote hralhtu chu bungrua anga lei theihah a inchantir a, inthlan lo awm leh hunah pawh man tlawm zawka lei theih tura ngaih a ni a, a retheih poh leh a vote man a tlawm a ni mai.

emaw, zan-vak emaw hmu apiang chuan lo man phawt mai chi a ni. Piangthar tawh tan chuan an lu chungah kut nghah a, tawngtaisak mawlh mawlh a tha ber ang a, YMA-te tan chuan hruizena lo hlin a, Police hnena hruai a inhmeih tawk viau ang a, VDP-te chuan tairaw tiangin lo hlap hrep ta se, an phu tawk chauh a ni - ram leh hnam pawh an khawih ril dan ngaihtuah chuan.

Vote thlak ni tlai lam a, polling station atanga hmuh phak tawk vela Ui pum ei zo khawp pawh ni mang lo tlangval mawl zual inhawr khawm, tan khawh chingho hian kawngro an su phak tak tak lo a, vote an thlak loh ngam tak tak chuan eng pawl mahin kan chhiatphah chuang lo a, eng pawl mah hian thlem duh miah lo ila, an sim mai ang. Hetiangho hnena pawisa pek chingte hi, a nuarho ai hian nasa takin an mawl a, nasa takin ram pawh an khawih lian zawk. A tak takah chuan, tu pawlin emaw an thlem a, pawisa an pek hian, pawisa petute pawlah chuan vote an pe ngei tih a chiang chuang der si lo a. Ka hriat chian em em mi pakhatin a sawi dan phei chuan, a hma daiha vote pek tum lawkna an nei sa vek a, sum sengtu khan a seng thlawn mai a ni. Zu ruiin politician-te zakah an

dek ve a ni satliah mai a, chutiang buaipui tawk vela inngai chu ngaihnep rawn tlak lek an ni.

VOTE lei leh hralh hi hnam a chhiat phah tih hre phak lo khawpa MAWL leh, hre reng chung a ti lui duh khawpa SUAL chu, kum nga chhung bialtu MLA atan chuan thlan tlak an ni lo. Miin an duhthlanna fim taka an thlan pawh ni lo, an retheih em vanga an vote hial an hralh avanga thlan tlin nih hi han chapopui teh vak tlak a awm lo. Mi duh reng vang ni lova inlei tling duh khawpa thuneihnaa tuihalte hi, an hma lamah miin an chibai a, an hnung lamah lei chhuahin an chhiatkhum thung tih hi inhre mawlh teh se.

I party tan zawng candidate a nih vang emaw, i laina hnai a nih vang emawa i thlang lui duh cheu a nih chuan, in khaw kawng a chhiat hunah i vote i leitir pa kha mawhchhiat lo la, i thlai thar hralhna hre lova i dah tawih hun a thlen palh pawhin tu dang mah mawhchhiat lo la, i fairel bel a ruah hunah pawhin nangmah i inkawk tawh tur a ni ang. Chu chu Vote lei leh hralhin a ken tel chu a ni. Mizo hnam kan nih vanga kan inrintawkna te, Kristian sakhaw zuitu kan nih vanga kan thlamuannate hi, tute emaw thuneihna chan duh luat buaipuia kan lo thlahthla mai a nih chuan, mahni chung a meiling chhekkhawl dik tak kan ni ngei ang.

hrilh ve ba tlatin ka inhria a, nakina kan fimkhur theih nan) Ram chhungah mi hausa leh rethei kar a zau lutuk chuan nghawng tha lo pui pui a lo chhuak tuam tuam thin a, khawvelin a lo experience tawhte ka han ziak duh a.

1. Crime leh a kaihnawih: Din hmunin a zir tlat loh chuan duh loh loh tih hi a awl em em a, mi rethei lutuk chuan a tamchhawl tur dan nan eng emaw a tih a ngai a, a tul leh mi thil a ru mai ang, dam a la duh miao si a, ril tama thih ai chuan. Ti lo thei lova nawrtu chu a retheihna kha a ni. Zirthuk mitten an chhut danin ram chhunga mi thil awta buaina siam thin chu mi retheiho hi a ni. Developing countries leh under-developing Countries a an thil zir 50 atanga an chhut dan chuan rethei leh hausa inkar zaunaah chuan crime rate a sangin, tualthahna a tam bik em em. US leh Canada mi thiamten an zir chian hnua an hmuhchhuah chu, hausa leh rethei an inthlah lutukna ramah tualthahna hi a let sawmin a tam an ti. Chuvangin ram nuam, tu leh fate chenna tlak Zoram din kan duh chuan rethei leh hausa kar zau tur hi i veng tlat ang u. Khawvela ram nuam ber ber nia an sawihote ramah chuan rethei leh hausa kar a zim em em a, khawvela ram buai leh tualthah tamna ramho hi rethei leh hausa kar zauna ram an ni deuh zel.

HLAUHAWM A HNAI AN TI

Rethei leh hausa inkar zau thu sawi neuh neuh hi a tam a, heng hi roreltu lam chuan eptu pawlte phunna satliah, politics game niin an ngai a. Hemi chungchang hi luhchilh a, hriat chian chi a awm em tih finfiah turin mi thiam rintlak, College zirtirtu tlangval pakhat JV Nunchunga chu ruat a ni a, ani chuan ngun taka a chhui hnua a hmuhchhuah chu hetiang hian article-in a ziak ta ni.

Zoram kal fimkhur rawh

Hlahawm a hnai

(Rorelna dik chu lui angin luang sela, felna chu luipui kang ngai lo angin luang rawh se. Amos 5:24) -JV.Nunchunga -

December 7, 2006 Vanglaini chanchinbuah khan Mizorama Nawhchizuar an tamna chhan zinga pakhat chu mihausa leh rethei kar zau lutuk vang a ni tih tarlan a ni a. Mizoram sawrkar Social welfare Department leh Human Rights & Law Network ten seminar an neiha an thusawi a ni miao a, a dik ngei ang. Mirethei leh hausa kar zau avang hian tawrhna hun hrang hrangah mi hrang hrangten hmun hrang hrangah an tuar tawh a, an la tuar zel bawk ang. (Rethei - hausa inkar zau dan zir chiang mektu a hminga tling lo tak chung a ka lo nih vena laiah, Zoram hi ka thil hriat ve leh chhuichhuahte

2. Dikna a fam thin: Hausa-rethei kar a zau lutuk a, a thei fate'n mi hnuaihngunte an rahbeh tlat tawhna hmunah chuan dikna hian hmun a chang tawh lo thin. Mi hausaten thuneitute hi sum-pai leh thil dang hmangin an hmin a, Ukil tha ber ber an ruai a, chutiang hunah chuan 'Dikna chu khawlaiah a let reng a...' tih ang chiah khan ram a awm thin. Rethei tan tah leh ha thialna a ni mai.

3. Economic growth a ti thuanawp: Keini ram hnufual tan chuan rethei-hausa inkar zau hian Economic thang zel tur nasa takin a ti thuanawp a ni. Sum hmanral (consumption) leh lukhawng nei tura sumhman (investment) a lo hniam a, chu chuan ram hmasawanna a nghawng buai em em a ni.

4. Economic Caste System a siam: 'Mizoram hi Caste System a awm lo' ti a kan chhuan viau lai hian a ruk tein 'Economic Caste System' a in tan mek niin a lang. Inneih thu leh in thianahte pawh a milian leh thei an inneiin an inhmelhriat chho mek zel a nih hi. Kum 100 lo awm leh turah chuan 'Economic Caste System' hian kan ramah bu a khuar nasa hle turah i ring ang u. Chutiang hunah chuan mipui hi chi hnih - A hausa leh Rethei-ah kan in then phawk mai dawn a ni.

5. Thuneihna pumhawm a ni thin: A thei fate'n thuneihna an pumhawmin mi rethei tan

chance a awm lo thin. Chu chuan corruption, eirukna kan tih hi nasa takin a hring chhuak a, an eirukte hmangin mirethei an rapbet thin. Sakhuanna leh ram rorelnaah thuneihna an chang a, Court rorelna leh ram chung relbawlnahte thurawn neiin kawng engkimah thuneihna an pumhmawm a, an duh danin ram hruaitute an khalh thin a ni.

6. Ram roreltu an tha thei lo: Rethei-hausa kar a zau lutukna hmunah chuan mi tha ni kher lovin, mi corrupt leh mi sual huaisar (Criminal Politician) ten rorelna an chang awl em em bik a ni. 'Mi pakhat-Vote khat' tih chu 'Cheng sangkhat - Vote khat'-in a thlak hunah chuan ram rorel tha a awm thei tawh lo. Huai sar leh langsar tak takin mi retheite thah an ni fo va, dikna erawh laih lan a ni ngai meuh lo. A entirna tha tak mai pakhat chu Bihar State khu a ni.

7. Khawtlang nunah inrintawna a awm lo: Rethei leh Hausa inthlauhna lutuk ramah chuan khawtlang nunah inrin tawh lohna a tam bik em em bawh. Eric Uslaner leh Mitchell Brown ten an zir chiannaah he thu hi an thutlukna a ni a, tin, Robert Putnam, professor of Political Science, Harvard University pawhin hetiang chiah hi a hmu bawh.

Africa-59.1. Mi intlukthlanna ramte - Hungari-24.4, Denmark-24.7, Japan-24.9, Sweeden-25.0, Belgium-25.0, Findland-25.6. Tin, India chu - 37.8, UK-36, Australia-35.2, US-40.8.

Khawvel hi han en thuak ila, rethei - Hausa inkar zauna ram zel hi ram hreawm, thubuai hlabuai ngah ram an ni a, rinawm lohna leh eirukna bu khuarna hmun a ni zel. Chutih laiin khawvela ram nuam, chen chakawmna leh ram ralmuang chu rethei - Hausa inkar zimna zel hi a ni. Kan thenawm ram Burma/Myanmar te hi han thlir ila sawi tam pawh ngai lovin a hriat mai. Tin, India ram chhuangah Bihar state atangin kan hre thiam mai awm e.

Ram dang chu kan thlir phak lo a nih pawhin, kan veng chung han thlir ila, tunge VDP/JAC ten 'thil ruk hmang' tia an vuak thin, 'tunge tual that thin?' 'tunge zu zuar an hnawhchhuah?' 'tunge veng chung chawh buai thin?' a Hausa leh awm thei lamte ai chuan a rethei leh harsa deuh bawh hi an ni. Enge kan sawi tak ang le? Suahsualna chu a pun leh zual nan kan awm mai mai dawn em ni? Hnai lo ve. Rethei-hausa inkar zau zel tur kan veng ang.

Engtingge 'rethei-hausa inkar zau' tur chu kan ven ang? Kawng tam tak zingah hei hi sawi bik ka duh - Dik takin roreltuten rorel rawh se, rethei chu

8. Hriselna paw'n a lo tuar: Economic dinhmun chhe lutuk mi chuan natna chi hrang hrang benvawn vei a lo awl bik a ni tih hi zirthuk mite hmuh chhuah a ni. Natna leh hri a lo len hian a tuartu ber thin chu a rethei group-a te kha kan ni a, hei hi "SES Gradient" an ti. (He 'Gradient' ang bawh hi Mizoramah pawh he thu ziaktu hian a hmuchhuak) Mi rethei group chu natna chi hrang hrang heng stress, lungnatna, ulcers, type 2 diabetes, rheumatoid arthritis, cancer chi hrang hrang leh tar hma, etc ten a bawh hma bik.

9. Hlimna a nghawng tel: Rethei leh Hausa inthlauhna ramah chuan hlimna level pawh hi a lo hniam a lo ni. He thu hi Alberto Alesina, Rafael Di Tella leh Robert MacCulloch-ten Europe an zirna atangin an hria a ni.

Khawvel ram thenkhatte Income Inequality tlem han en ila. Hei hi 'Gini Coefficient' hmanga teh a ni a, '0' a nih chuan ram chung ami zawng zawngin Income inzat chiah neiin 'intlukthlan vekna (Egalitarian Society)' a ni tihna a ni a, '100' a nih thung chuan ram chung a mi pakhat chauh khan ram sum-pai deh chhuah kha a nei vek a, mi dang zawng zawngin sum an chang ve miah lo tihna a ni a, 'Inthlauhna tawpkhawk (Perfect Inequality)' a ni tihna a ni. Inthlauhna lian zual ramte - Namibia-70.7, Sierraleone-62.9, Guatemala-59.9, South

a chanai dik takin pe rawh se.

Kan Pathian thu chuan engtingge a tih?

"A ruktea rethei eirala lawmtute u, Thawngaleivir ang lo thawh e, mi tihdarh nan, An tiang ngeiin I chhun ta, an indo thiamte luah chuan?..." (*Habakuka 3: 14*).

Retheite a ruka eiraltute lurawn chhun tur hian Lalpa chu thawngaleivir angin a lo thawh thuai dawn.

"...Chanchhe zawkte hnuaichhiah an nihte leh, Ram leh hnam chhungkua thlenga rorel fel loh ka mit hian a hmu fo thin si.

Lalpa, I ngawi reng dawn em mi?

Eng chen nge I en theih dawn?

Dikna hi Ram lal tiang a ni si a,

Aw, rorel fel, Lei chung a thil tih tha lo te hi, bo rawh se, dikna thlifim leng rawh se.

...Thim zingah hian khawhar takin ka nghak reng thin che,

Nang lo chu beisei tur ka nei si lo..."

Kan biak Pathian hi pachhiate lamah a tang e an ti thin. A dik a ni mai thei, "...pa nei lote rorelsak ula etc." tihte bible-ah kan hmu. Pathian dodaltute lamah kan lo tang vak palh ang e.

KUM 2008-AH ENG TIN MAW?

Mizoramin UT kan neih aṭangin, sorkar kan hrawn tawh reng reng, term hnih aia rei thuneihna pek kan la nei lo a, thuneitute rorel dan thiam loh vang nge mipuite thiam loh zawk tih hi sawiho tham, inhnial theih tak a tling awm e. India ram state dangte kan en chuan, term li, kum 20 chhung thuneihna chelh tawh, chumi hnuah hruaitu an inthlak pawha an pawl hnena thuneihna la pek tak cheute pawh an awm. Mipuiin an hnawl loh chhan hi chi dang dang chhuanlam han dap ṭhin mah ila, a chhan dik zikluak ber chu, mipui lam hawia ro an rel vang, mipui hmuh thiam khawpa an eiruk nasat ve loh vang, an intih lal bur bur lutuk loh vang, anmahni leh an chhungkhat lainate vur chiam an chin loh vangte a ni.

Keini ramah hian, kum sawm chhung lai ro min relsaktute chu mipuite hian kan kham hluah hluah zel mai a, thlak duhna thawm hi a lian em em zel mai a, thuneitute hian thuneihna an han chan rei deuh hian mipui kham zawng takin ro an rel ṭhin em ni tih hi zir chian ngai tak a ni tho mai. Tuna kan hrawn mek sorkar pawh hi, term khatna an hman zawh hnu khan, an aia ṭha zawk tur pawl dang kan la hmu lo a ni ang chu, term khat dang rorel turin kan thlang tling leh a. Sorkar hnathawkte

viau a, lungawi lohna a nasa tial tial a, lungawi aram an awm ta meuh lo. A sang ber aṭanga a hniam ber thlengin, ni tiam neiin an nawr kual vel mai mai a, thuneitu zawk chu an invau chhawk luai luai a ni ta ber mai.

A hnim hnai berte pawh heti taka an lungawi loh ngam a, mi dangte hriatah pawh an sawisel bawrh bawrh ngam tak avang leh, thununna lekkawh hun awm takah pawh engmah tihngam alawi an neih tak loh avang hian, chhungrilah eng emaw dik lo lian tham tak a awm a ni phawt ang tih ngaihdan neih a awl khawp mai. Zaidamna te, dawhtheihnate hi a hluin a mawi em em a, mahse zaidam vang pawh ni lo, dawhtheih vang ni bawk si lo, mahni inthiam bik loh vanga Dan kenkawh tur nei lo ang maia awm erawh chu thil fel lo tak a ni. Mi thiamten ram rorelna ṭha leh ṭha lo tehfung an siam a, mi tinten awlsam taka kan hriat thiam theih turin hetiang hian an dah a, he tehfung hmang hian kan sorkar dinglai leh hun hmasa lama sorkarte pawh kha lo teh ve dawn ila, eng ang kalphung nei nge kan lo hrawn ṭhin tih chu awlsam takin a hriat theih mai awm e. He buklung aṭanga buk hian, eng vangin nge kan rama roreltute hi kum sawm em pawh hrawn peih lova mipuiin thlak zung zung kan duh zel tih pawh a fiah thei awm e.

leh mipuite pawhin kan Chief Minister leh a thawhpuite zawng zawng pawh kan nel a, an mi dip a na lo e, kan ti a, an zaidam thu te, an inngaih-tlawm thu te, hruaitu lu hrum zingah ruih buang buang ching an awm loh thu te, hmeichhiat mipat kawngah pawh fihlim tlanga kan hriat thute kan sawi sup sup a, anmahni vote ve chiah lem lote pawhin an nungchangah chuan relna tur kan hre lo viau a nih kha.

Hetia term hnihna an han kalpui rei deuh tak hnu hian, an term hnihna hun laihawl vel aṭang khan, corruption chungchangah te, chhungkhat laina induhsakna kawngah te, party mi induhsakna kawngahte hian dem an kai ve ta hle mai. An hma lama ro lo rel tawhtute ang thovin, media awmzia an bosal ve ta a, anmahni hmangaih vanga ṭhahnemngaia sawiseltu apiangte kha an hmelma an ni a, an tih soal palh pawh sawi chhuahsak duh miah lova an tih ṭhat chhun apiang sawi uarsaktu apiang kha an lamṭang an ni leh mai a. Tutenge hmangaihtu tih thliar thiam harsa an ti ve ta hle a ni. Chuvangin a be phak apiang fak derna kha an thu dawn tam ber a ni. An hun bul ṭan lama an hnuaiia thawh nuam ti em em ṭhin sorkar hnathawkte pawhin an khawpkham ta lo hle nge, an dik lohna an hmu tam ta nge, an zuam sawt ta

RAM INRELBAWLNA KALHMANG TEHFUNGTE

- 1. Ram inawpna fel leh ṭha tehfung chu-**
 1. Dan a pawimawh a, judiciary a hrang.
 2. Sawrkar sum hmanna mipuiin an hriatpui.
 3. Eirukna a tlem a, a bo hial thei.
 4. Sawrkar hnathawk an rintlak in an thawk chak.
 5. Tlawmngai pawl leh sorkar an inring tawn.
 6. Sorkar sum dik tak leh daihzai taka hman a ni.
- 2. Ram inawpna fel lo hriat theihnate-**
 1. Mi hausaten ngaihsak an hlawh a, mi retheiten hlamchhiah an hlawh.
 2. Mipui thinsa rorelna (mob rule) a thleng fo.
 3. Chi leh chi inngeih lohna a piang ṭhin.
 4. Sualna vanga thubuai (criminal) a pung.
 5. Hmeichhiat mipat hman khawlohna a hluar.
 6. Ram roreltute'n intihlarna (populism) an buaipui a, mipui hmaah an inlan zur zur ṭhin.
 7. Thuneitu intlawnsiakna a hluar a, hamṭha fal bik nih tum an tam.
 8. Sorkar sum chu a thei apiangin inchuh tur emaw tihna a awm ṭhin.

3. Rorelna tha a din theih thin loh chhante -

1. Ram roreltute ber eirukna leh hlemhletna laka an fihlim loh vang.
2. Roreltuten politics hi mipuite rawngbawlna ni lo va, sum siamna atan an hman vang.
3. Thuneituten hna an zir thiam peih loh vang.
4. Ram hruaitu lu ber (leadership)-in a tlin tawkw loh vang.

4. Rorelna tha nei tura roreltute tihmakmawh

1. Sawrkar sum renchem leh hman dik.
2. Mipuite bum lo va, kawng dika kaihhruai.
3. Mawhphurhna leh thuneihna semzai.
4. Khua, Block, Sub Division leh District-ah hna thawk thei rorel khawl bun.
5. Dan rorelna (Judiciary) dah hran.
6. Sorkar sum hman dan mipui hmuh theiha dah.
7. Sualna tibo tura Kohhran leh Tlawmngai pawlte nen thawhhona tha siam.

5. Rorelna tha nei tura mipuite mawhphurhna

1. Danin a tuk chin chhiah dik taka pek.
2. Sorkar pawisa hman dan hriatpui
3. Hlemhletna hmanrua atana tang lo va, a dotu lama tan.

8. Mi neih it vangin rukru an pung a, hmeichhe zingah inhralh duh hial an tam phah.
9. Sakhaw zahna a tlahniam a, khawtlang nun a thawheng a, zalenna dik lo a pung.

8. Corruption hmel lanna

1. Development hna reng reng hun tiam chhungin zawh hman a ni ngai lo.
2. Ruahman lawk sumin hna a thawk zo lo a, hna thawh nan sum a ngaih tam phah.
3. Vantlang bungrua kalkawng etc. a chhe tial tial a, mimal bungrua building etc. a tha tial tial thung.
4. Chhungrila huaisenna a bo a, inthiamlohna a hring. Hnam nunah takna a tlahniam.

9. Corruption dona hmanruate:

1. Party ruihchilh tura mipui fuihpawrh bansan.
2. Corruption-a inhnamhnawihthe chu mi tinin endawng a, khawtlangah langsar lehzuala hnuchhawn ngam.
3. Khawtlanga corruption rah chhuah zir tam.
4. Thuthar thehdarhna hmanga tan lak.
5. Mi corrupt-te thubuai siamsak lama tanlak.
6. Corruption vanga danin a hremte lainat loh.

6. Corruption hi engvanga lo awm thin nge?

1. Mi rinawm lovin sorkar sum an enkawl vang.
2. Sorkar sum hi mipui ta, mipui tana hman tura mipui thawhkhawm a ni tih thuneitute leh mipuiten kan hriat chian loh vang.
3. Dan bawhchhiate hrem an nih thin loh vang.
4. Tumah fihlim bik lova inzirtir kan chin vang.
5. Vote zawn nana sum chelek kan chin vang.
6. Mi corrupt-ten endawng an hlauh tawkw loh vang.

7. Corruption-in enge a nghawng chhuah?

1. Mi rethei an pung a, hausa leh rethei kar a tizau zual a, inthliarna a awm.
2. Mi beidawng an pung a, tharum thawh duhna hial a hring chhuak.
3. Nausen pianghlim leh naupang thihna a tam.
4. Dik lo taka induhsakna a hluar a, zirna a tlahniam a, thawh thiam nei lo an pung.
5. Mipuiin chhiah pek an hreh a, chhiah awlruk tumna a pung.
6. Hmun tinah development hnain mi hausate chauh a tinzawn thin.
7. Mi retheite ei chhiat vangin an na a, hausate ei luat vangin an na thung a, ram pumah hriselna a tlahniam thin.

7. Corruption-a hminghliaw tawhte hnawl ngam.
8. Corruption hi tumahin an thatpui lo tih tlangaupui tam.

10. Mipuite dam khawchhuahna chu

1. VC-te hnena thuneihna pek tam a, hna thawk theia siam a, an thawh chin enfiahpui.
2. Tualchhung ro inrelnate VC-te kuta pek phal.
3. Dik taka thawk tura kalphung dik neih.
4. Ruahmanna him atan chauh Loan lak.
5. Ram dang thlai thar lak luh dan khuahkhirh.
6. Tualchhung thar chhuah thlaite hralhna mumal leh nghet dap chhuah.
7. Tualchhung thilsiamte tihmasawn tura tanpui.
8. Tualchhunga siam ve theih chi hlutsak a, ram dang kutchhuak atanga chhiah sang zawk lak.
9. Chhungkaw tin ban phaka zirna tha ruahman.
10. Ram neih phal chin siam a, nei lotute hnena an kham khawp tharna tur ram pek.
11. Thawk rim ber apiangin a hlawkpui ber theih tura kalphung mumal siam.

MIZOTE KAN LUNGRUAL

Mipuite hian kan hriat loh hlanin mi thiamte tehfung siam hi ngaihtuahna hruaitu atan kan lo hmang nasa hle a, hei hi Mizo zia ngawt a ni bik lo a, hnam changkan zawk ziate pawh a ni ve tho mai. Kan Chief Minister te, kan Minister-te leh kan MLA-te pawh mimal tak chuan kan lamhnai tak tak, kan kawmngaih tak tak, kan duhsak em em an ni a, anni lak atang pawhin chutiang tho chu kan dawng a, chhiat-ni that-niah chuan kan inlam tel tel tho thin. Chutih lain kan tum reng vang pawh ni lovin he buklung hi mipuiten kan thinlungin kan khai a, kan ram hruaitute bukna atan kan hmang a, a chhan Chiang Tak Sawi thei hauh lo chung pawhin sorkar dinglai hi kan lo kham ve leh mai thin. Mipuite hian sawiho hauh lo mah ila, khuarel a ni ang chu, kan inthurual thup thup a, chhak tawp leh thlang tawpa mi pawh kan rilru sukthlek a lo thuhmun leh dual thin a ni.

Kan sorkar hnawl tawhte kha, term hnih an hman tawh vanga hnawl kan ni satliah ngawt lem bik lo a, rilru lam chhui miten uluk taka an lo chhuta an lo siam chhuah tehfung hmang khian, tute mah thurualpui hauh lo chung pawhin, a ngawichawi ber berte pawhin ngaihdan kan lo siam a, chu ngaihdanrawn pian chhuahtirtu chu thil thuhmun,

TUTENGE KAN THLAN TAK ANG?

Ni e, rorel mektute hi thlak lo duh ta tehreng pawh ni ila, tute hi nge maw thlaktu atan kan thlan chuan ang tih hi, tun huna mi tinte ngaihtuahna luah liantu ber a ni mekin a lang. Sorkar hnathawk chang an bangbo lo a, tar nilumai leh zing tawngtai inkhawm bang nuho pawh an bangbo ve tho a, kan ramin sorkar tha tak a neih theihna tura tawngtai subject kan thawh taimak danah hian, mihring mita hmuh theih loh boruak vakvel hi chu a awm tih hai rual a ni lo. Rorel mekte thlak thei awm party lian deuchte kan han thli a, hman ni lawka kan lo hrawn tawh, keimahni ngeiin kan lo hnawl tawhte kha an ni tih kan hria. An tawngkam hman duh dan te, chhun pachangah pawh sorkar office suasama kut thlak chiam chiam nuam ti viaute kha an ni hlawm a, thangtharte rilruah tharum thawh chakna zirtir an hreh hauh lo tih a lang reng mai si. Intih rum ringawt maia mipuite hip tum hi kum 40 kalta vela Chinese-ho lo chin thin, a tha lo a ni tih hriaa an bansan daih tawh kha a ni a Thuneihna khela intihrum an la uar viau chhung hi chuan, roreltu atan aiin eng Film-ah emawa chang mai mai atan kan duh tawh lek tawh a, an lak atangin hmasawna tha beisei harsa kan ti a, khawvel kalsan tawh lam mipuite min zirtir a, kan zui ngam lo a ni.

buklung tho kha a nih vangin, inbe pawp hauh lo pawhin kan ngaihdan a lo inang tlang leh mai thin a nih hi.

Tuna kan hrawn mek kan sorkar pawh hi he khuarel hian a zuah bik dawn lo a, he buklung tho hi kan khai khum dawn a, uluk takin kan thlek ve leh ang a, mipui rilruah an la tling em? eng ang takinngan pal tlang dan tur chu inthlan zawh hnuah a hriat chauh ang. Tuna a lan dan atang ringawt hi chuan, term hnih aia tam rorel tur hian mipuite hian kan tinzawn teh chiam lem lo deuh a ni mai awm mang e tih tur a ni. Sorkar Office hrang hranga thawktute titi khawchang atang te, khawhar in titi atang te, feh kawng titi atang te, Thalai rual fiamthu thawh duh dan atang te, mobile phone-a message-a thu dengkhawng tak tak leng vel atangte leh, hmasawna hna hrang hrang thawh dan mipuiin kan sawi zui duh dan atangte hian, Mizoram hian mi thar, tha thar kan mamawh ta a ni awm mang e, chutiang mi thar chu kan zawng a ni mai awm mang e, kan mi zawn pawh chu party huang pawn lamah a ni mai awm mang e tih a awl. Insawisel vak vak emaw, rinthua inpuh chhiat chiam chiam emaw lam ai chuan, chu khuarel tho, mi thiamten an lo chhut chhuah chu tehfung tling ber a ni leh thin a, mipuite pawh hian kan hmang leh dawnin a lang.

A THLAWNA PAWISA SEM HI

Kum 1990 chho vel laia Congress sorkarin NLUP scheme siama a thlawna pawisa a sem khan, cheng vaibelchhe 300 bawr vel a sem ral ni awmin a hriat a, rangva semna atana a pawisa hman pawh kha cheng vaibelchhe 200 dawn lai ni awma chhut a ni bawk.. Khatia a thlawna mipuite hnena thil sem kha, ram leh mipui tana tha chu ni se, chhungkaw tam tak hian tun thlengin kan thatpui ngei tur a ni. Kan thatpui lem lohziatelah chu a hre phak zawng zawng hi chu han inhrilhfiah hran ngai lovin kan Chiang Tlang viau mai bawk si a nih hi. Khaw tam takah phei chuan dinchhuah phah aiin an tlakchhiat phah a, an retheih phah sawt nghe nghe a ni. Chuti chung chuan, tunah hian mi retheihna nangchingin, vote zawna atan hmatheh berah Congress chuan a rawn neih leh ta a, "Min thlan tlin chuan, in tinah cheng nuai khat kan sem ang. A hming atan chuan NLUP thami kan vuah mai ang," an han ti leh piap piap mai hi, a dera khawngaih tur mi rethei siam belh tum hrim hrimna atan lo chuan, sawi rik fo chi pawh niin a lang lo. NLUP hmasa kha lo thatpui hlauh ni ila chuan, zawrh leh pawh a mawh lo, khati khawpa kan hlawhchhampui hnu pawh a, "A thami kan vuah

mai ang" tia han zawrh leh ngam hi, mipui hmuhsitna rawng a kai a, lo awih nawn duh khawpa Mizo mipuite min hmu mawl hi, lai a na e.

A thlawna pawisa sem ang chi hi khawvel khawi ramah mah tumahin an dinchhuahpui lo tih hi thangthar rilru fim zawkte hian an hre chiang em em a, an ngaisang tehchiam lo. Khawvela sorkar hausa ber berte zingah pawh, an ram mipuite dinhmun chawikanna atana pawisa fai sem ta hi sawi tur an vang teh tak asin mawle. Chuvangin sorkarna siam thei tura inzawrhna atan tun ang hun, mihringte changkan tawhnaah hi chuan, tu pawl mah hian hmang tawh lo ila a va tha zawk dawn em. Bum theih zawng zawng bum tumte hi Pathian duh zawng pawh a nih a rinawm loh a, hnam hmabak atan thil him pawh a ni lo. Hruaitu thenkhat, lehkha chhiar ngai loten an lo rawt chak deuh a nih pawhin, tunlai hmasawna man phak khawpa lehkha chhiar, chinchang hre chinte hi chuan mahni hotute thil rawt phunglung pui puite hi chu i hrilhfiah ngam ang u. Ram tana tha lo na na nahte hi chuan, tan te pawh i khawh ve ngam teh ang u. 'Kan lo sorkar mial takin, Chief Minister a nih mial takin,' tih thuhla vang mai maia hruaitute thu a kawi a ngila awih vek hi, politics khelh dan changkang lo tak a ni. Kan pute vanga ramin chhiat lam a pan chuan, a

DAWT BILL KHA!

Hmanni lawka Mizoram pumin titi tui bera kan neih, tun thlenga kan la sawi ruk sep sep chu kan rorel khawl member MLA-ten zin hauh lo chung a zin anga inziaka DAWT BILL an lo lak vak mai kha a ni. A hlimchhawn angin kan phulpui hluai tawh lo nain, kan ram hruaitute rilru put hmang chiang taka puang chhuaktuah kan pawm tlang a, inthlan dawnah sawi chhuak thar tawh kher lo mah ila, mipuite hian ngaihdan nghet chu kan nei tawh niin a lang. Kan MLA-te zingah pawh ram mipuite leh Kohhran hial pawhin kan mi rin zawng tak tak, a lang leh a ruk pawha thil dik lo ti ve hauh lova kan rinte meuh pawh kha, RTI meichher han chhit khum a, han bih chian tak tak meuh chu an lo dawl chuang bik awzawng lo a, anmahni MLA rualte vanduaina a ni satliah mai lo a, Mizo mipuite hi a nawlpuiin kan vanduai ngawih ngawih ni berin a lang. He 5th Mizoram Legislative Assembly (2003 - 2008) Member-te hi, an zinga hmun lia thena hmun khat chu Kohhran Upa ordained an ni a, rorelna in sang bera chuti zat zat Upa awm ta chu, suahsualna chi hrang hrang, corruption etc te pawhin a lang leh a ruk pawhin a kimkit phah ngei ang tih kan lo ring a, mipuiten kan lo beisei san tehreng nen, a tua mah bang chuang lovin, mipui hriat chhuah hma zawng khan zin loh DAWT BILL

hrilhfiah ngam lo mi thiam rualte hian mawh kan phur tel ve a, kan thiam, kan fel kan finnate hi, mi rethei zawkte bum nan ni lo, nakina kan hnam dinchhuahna atan kan hmang tur a ni zawk dawn lawm ni?

Tih tak takah chuan, hetia mipuite hnena pawisa sem tura intiamtute hian, sem an tum pawisa hi an neih sa pawh a ni hauh bawk si lo a, an sorkar palh hlauh chuan, Central-ah an zawmpuite an lo sorkar remchan ve hlauh bawk chuan, dil chhuah chawp tur a la ni de daw chauh a. Sorkar laipuiin a lo phalsak loh vaih pheih chuan, eng tik hun emawa tute emaw rulh atan, a pung awmin eng company pawisa emaw puk chawp a ngai leh ang a, ba rulhna turin kan thuamnaw hak tur leh kan sahriak thih turahte chhiah tam deuh deuh an la leh si ang a, an sawrfu tur chu mipuite tho kan ni leh dawn a nia.

Engtinngge kan thalaite thiamna leh chakna hi ram dangte umphakna hmanrua atan kan hman tangkai ang a, ram changkang zawkte ngaihtuah chhuah sa tal hi engtinngge lalawn tura thangtharte kan chher chhuah theih ang? tihte hi kan ngaihtuahna hruaitu ni zawk se, khawi ram mahin an la tih reng reng loh, a thlawna pawisa sem tawkdarha vote zawn ngawt mai hi zawng "Thuthluang Policy" a ni e.

an lo la duh vek mai tih han hriat hian, rilru a na a, lung a chhia a ni. Dik taka sawi chuan, kha DAWT BILL chungchangah khan, minister ni lo, khatih laia MLA zawng zawngte chu pakhat mah insawi fihlim thei an awm bik lo a, mualpho ve ta lote pawh kha, an bill form-a zin anga an inziyah hun lai khan, an zin lo ngei a ni tih finfiahna remchang a awm loh vanga puh mualpho ve tak loh an ni mai chauh tih chu anmahni an inhre chiang khawp ang chu. Kha DAWT BILL kha ZOZAM Magazine khan RTI hmangin mipui hmuh theihin rawn pharh lo pheih se, kan ram hruaitute khan vawiin thleng hian, an la la chhun zawm zel ang tih a rin theih.

Kha DAWT BILL chungchangah kher kha chuan, insawi fihlim tumin maksak tak takin han chhiep kual ngial thin mah se, mipui hriatpui phak loh hlana an khawsak duh dan an puang filh chiang zo vek tawh a, an chung a rinna han nghah leh thut a tiharsa tawh a ni. An lak atangin kalphung fel danglam han beisei thar tur hmuh thiam a tiharsa zo vek a, hengte hian mipui min tichiai zo ta a, **tute chu nge vote kan pek dawn** tih thlan tur hre lovin, kan la vakvai mek a nih hi. A hun tea rah thin Pathian kan nei a, a kutah inngat rih phawt mai ila, a hunah chuan a mite chung a rorel tur chu min la pe ngei ang tih i ring phawt mai ang u.

VOTE KHATIN KHAWVEL A TIBUAI

Lehkha thiam, thalai rual khat an titiho a, ram hruaitu nih tuma theihtawp chhuaha bei mekte zingah it zawng an neih loh vangin kum 2008 MLA inthlan hunah hian vote thlak loh hial an duh tawh thua an lungruah hle a ni. Party awm mek hruaitute an han thlir kual a, hre chiang an inti si a, ram hruaitu atan an it lo a, a thlakna tur an hre bawk si lo a, an rilru a chiaia, vote an thlak loh mai khan sual laka fihlim deuhah an inngai a ni awm e.

Heti zawng hian ngaihtuah ve thung ila - Eng ang pawh chuan mipuite hi chiaia mah ila, Lal Isua hi a lo la kal lo a nih chuan, kum 2008 kum tawp lamah hi chuan Mizoram MLA kan thlang ngei dawn a, tute emaw chu an tling leh ngei ang. Keini kan phur emaw, phur lo emaw, it zawng kan nei emaw, nei lo emaw, vote thlak duh lo hial pawh ni ila, tute emaw chuan vote an thlak tho tho dawn a, tute emaw chu kan chungarorel turin thlan chhuah an ni tho tho bawk ang. Kan duh zawng leh kan it zawngte an awm loh vanga vote kan thlak duh loh hian, kan mi duh loh zawng leh kan rin loh zawng takte an tlin theihna turin, kan tih theih sang ber kan tihsak a ni tih hi kan hre reng tur a ni. Chung mite chuan ro min relsak tho tho dawn a, engti kawng mahin kan pumpelh thei lo.

kan thatna tura engkima thawhsak thintu chuan, kan ram tana tha tur chu min kawhmuh ngei ang tih a rinawm. A nih loh vek leh, chhia leh tha hriatna fim tak hmang khan, ram leh i tana tha ber tur chu i hre mawlh ang. Mipui nge an hmangaih anmahni tihte pawh chik deuha ngaihtuah chuan hai rual a awm lo e.

Policy tha hian tunhma lam chuan kawngro a su hle a, ram hruaitu rintlak leh rintlak an intlansiakna ramah chuan tun thlang pawhin mipuiten policy hi hruaitu thlan tur tehfung atan an la hmang a ni. Keini Mizoram hi chuan, Policy-te hi chu eng pawl mai pawh hian an nei tha em em vek mai a, mahse thuneihna an han chan tawh hnu hi chuan vote an zawn laia an policy leh an manifesto-te chu an keu zui tawh ngai lo a, a kalh zawnga kal pawh an pawisa chuang hek lo. Chief Minister pakhat phei chuan, lakluh a nih hlmah press mite hmachhawnin Chakma District thiah a tum tih a puang ngawt mai a, thiah chu sawi loh, vawi te khat mah a sawi zui leh miah tawh lo a, kum sawm chhungin thiah chu sawi loh, Chakma District Council-a sorkar pawl nih tumin theih tawp a chhuah zui vel ta mai mai a ni. Chuvangin Mizo mipuite hian manifesto neih that lam aini, mimal nuna rinningam kan zawng tawh ang.

Vote khat lek hian thil a ti thei em em a, vote khat lek avang hian khawvel hi a lo nghing dur dur tawh a, ram kalphung a inthlak hlawk hlawk tawh thin. Adolf Hitler-a kan hria, mihring maktaduai tam tak nunna laksaktu a ni. Hitler-a khan Nazi hotu ni turin a khingpui vote khat chiahin a hneh a nih kha. British laka America a indan hlim khan, hnam hrang hrang pemkhawm America rama chenge khan an ram tawng atan English nge an hman dawn German tih an buk a, English hman ni se tih duhtute kha vote khat chiahin an tam bawk. British Prime Minister hmingthang tak Olive Cromwell pawh kha Prime Minister ni thei turin vote khat chiahin a tling bawk. I vote mal te kha a va hlu em!

Pawl thar a piang emaw, pawl awmsate kan thlang emaw, a awm chhun zingah kan duhthusam kan hmu ngang lo a nih pawhin, kan ngaihdam tam theih ber tur tal hnenah vote pek tur a ni. Chu chu mihring nunphung pangngai a ni. Vote kan thlak loh hian, dik lo taka roreltute lak atangin kan fihlim ta tihna a ni lo a, thil sual ti duhtute thil sual tihna tur remchang kan siamsak tihna lam a kaw mah mah zawk a ni.

Pathian ringtu awm khawmte chungarorel tu tur thlan chungchang hi, lak zam mai mai chi a ni lo. Tawngtai mi tan chuan Pathian rawn chungin,

CORRUPTION HUANGTAUNA RAM

Mizoram hi India ram state zingah corruption hluarna berah chuan tumahin kan inpuh phal lo ang, nih pawh kan ni kher lo mai thei. Chutih laiin Mizoram tluka corruption tlangnelna leh huangtauna state hi chu a awm ve lo mai awm mang e tih palhawl a ni. Sawi nawn ngai leh thin tuilakna tur pawisa cheng nuai 73 lai agriculture director-in a pawh khawm ni awma puhna kha, Assembly House-ah meuh sawi chhuah a nih vangin a chhui chiang tur mi sorkarin a ruat kha a ni reng a. He director hnenah hian heti zozai pawisa hi pek khawm a ni ngei tih finfiahna fel fai tak a petute ngeiin lehkhah an ziak kha a awm a. Mahse pawisa pek khawm a ni tih finfiah ngawt kha sorkarin thu tihchianna atan a tawk a ti hauh lo mai a, a dawngtu lamin an dawng ngei a ni tih an inpuanna lam kha a phut ta tlat a. Pawisa petuten pe chiang an intih tehreng nen, an pek ni leh darkar te, an pek zat te, a petu leh an inpek laia awm vete nen lam ziaakin an han thehlu ve bawk a, mahse sorkar ngaihah thu a tling zo chuang lo a, finfiahna a awm lo a ni. A lehlamah ve thung chuan, hetia pawisa pe ni awma an insawi hun lai vel hian, a dawngtua puh director chuan Delhi lamah a zin bo lai a ni tih tawngkamin a han sawi thawi ve thuak a, chu zawk erawh chu sorkarin nghet takin a pawm bur mai a, an

zavaiin thiam an chang vek a, pawisa dawnga puhin thiam a chang a, a petu nia inchhalten thiam loh an chang chuang lo a, pawisa bo cheng nuai 73 lai erawh chu hmuh kir a ni lem hlei lo a, an zavai chuan an awm vel ta mai mai a, thuneitute ber an lungawi a, thubuai pawh a tawp ve ta mai a ni. Pawisa chu a bo ngei a, pe khawm tura thupetu ni lo, pute thu awih vanga pe khawmtute lamin an tuar lo hlauh kha a vanneihthlak khawp mai.

Mak ve angreng tak chu, heti khawpa thubuai lian ni thei awrhtua puhte hi, Lal sumhmunah tun thleng hian an la tlangnel em em thei reng tho mai a, sorkar lamah pawh mawhphurhna tam zawk pek belh a la ni ta deuh deuh a. Cheng nuai 73 khuangcherbo ta hi bo ta lo se, ruahman ang tak khan tui lakna atan hman ni ta se, kum tin buh leh thlai eng emaw zat chu kan thar belh phah ngei ang a, chhungkaw thahnem takin eizawna ngelnghet an neih phah ngei ang tih pawh a rinawm. Kan ram hruaitu lute tih loh, mi dang zawng hi chuan kha cheng nuai 73 khuangcherbo ringawt kha kan ui tlang hlein a lang. A uiawm tham ve bawk a. Cheng nuai 73-in a thawh theih zat hi a tlem lo a, chhungkaw tam tak tan dinchhuahpui tham a ni. Thuneitu lamin an longawi a nih pawhin, eptu lam pawh an ngawi thei viau tho hi chu a mak e.

tui nuah mipuite min hnim luh vang a ni ber. Chu Politics tui nu chu kan bansan a tul tawhzia thu Rev.Lalfakzuala chuan hetiang hian a lo ziaak a:

"Politics hi a nut chuan Kohhran leh khaw- tlangin a tuar a, inthenawm khawvanna boruak tha leh inlungualna thlengin a khawih chhe thin. Ram chhung buaina te, helna leh hriam lekna thlengin a chawk chhuak thei a ni. Politics dik loh avangin dawtin mi tam tak kan inbum a, a tak chang thei lo tur pawh kan insawi tlawr siak a. Kan politician- te hian tunlai tawng takin mipuite hi 'min bawl' a ni ber awm e. Mite rilru leh vote hmuh theihna a nih dawn phawt chuan engang hmanrua pawh Mizo Kristiante hian kan hmang duh zel zawng a nih hi! Tangka sumin vote kan lei a, tunah chuan ralthuam nena inrikrap pawh kan hreh ta lo. Chutiang titute chu Kristian inkhawm fo thinte kan ni tlat si. Chhiatna atangin chhiat leh zualna (defective system) ah kan tawlh lut mek a ni. He thudik hi beng nei chuan hre rawh se. Politics tui nu hi bansan turin theihtawp i chhuah tlang teh ang." tiin.

Kan sakhaw puithiamten ram rorelna dik leh fel an duh thu huaisen taka an tlangaupui ta hian thalaite zingah beiseina thar a siam a, beidawn vanga ram himna tiderthawng thei lakah ram an hum a, a va hlu em!

POLITICS TUI NU CHU

Mizoram hun tawng mek duhkawp lohna a zual zel lai hian, kalphung dik lo lai sawi vak vak a, do vak vak hi, kan tawpna tur a ni lo a, kan damdawi pawh a tling hek lo. Kalphung dik zawn chhuah a, chu kawng dik zawh ngam tur mi huaisen dap chhuah a ngai. Chu kawng dika mipuite kal tura kaihhruai chu, kan hnam leh keimahni pawh kan inchhanchhuah dan tur awmchhun a ni.

Tuna kan kalphungah hi chuan, kan za vai hian party politics kan ruihchilh a, a hlawkna erawh chu thuneitute leh an lamhnai mi tlem te hian an tel bing zel a ni mai. Hamthatna dawng phak ve loten a dawng phakte intlawnsiak a ngai a, ram hruaitute intlawnsiak an tam poh leh rethei leh hausa kar a zau tih finfiahna chi khat a ni. Hetiang mai mai hian ram hruaitute hian mipuite hi min bawl kual tih hi kan inhre lo pawh a ni lo, han zualkona tur dang kan hmu miao si lo a, tawrh chawrh chawrh emaw, thuneitute intlawnsiak mai emaw chu kan tih theih awmchhun a ni. Inthlan leh hun atan beiseina sang tak neiin kan lo dingdihlip a, kan mi beiseiten ke an pen chhuak tha duh si lo a, kan beisei chiah loh deuh te an rawn phur phian zel a, mipui tan pawh hian manganthlak ve deuh a nia. He dinhmun hi tu min pek mah a ni lo a, kan politician-ten politics

PARTY POLITIK ATANGIN RAM POLITIK-AH

(Tun hnaia chatuan ram min pansan ta Pu Zarzoliana chuan party politics avanga mipuite kan rethei tual tual hi bansan a, ram politics- a zuan kai a hun tawh thu leh, chu chauh chu kan inchhanchhuahna kawng nia a hriat thu hetiang hian ziaakin a lo dah a ni.)

Kan politik mitnaute keuna pawh kum 60 a chuang ta. Kan chung roreltu tur thlanga bul kan tanna hun pawh kum 50-ah a leng tawh lo. Mahni puala sorkar(UT leh State) kan neihna pawhin kum 35 hmel a lo hmu ta. Mahse, politik atanga kan beiseina eng chu a kum telin a chuai tawlh tawlh a, sorkar kan rinna pawh a tam zawk chuan beidawna ruam atangin kan nghak ta!

Anchedawng hnam ni awm taka engatinge hetia kan awm tak mai ni? Ram hmangaihtu tak tak kan awm lo nge nia democracy rorelna hi Mizo zia nen hian a inmil lo zawk? Tunah pheih chuan duhthlan tur pawh kan hre tawh chuang lo a, thlang lo thei lo kan nih si avangin a hmelchhe hnaivai deuh kalkanin a piah deuha nikhua lo tak kha kan thlang vel ta mai mai a nih hi!

Mizo hnamte hi heti em em hian kan chenbeh

bikin kan nikhualo fal bik lo ang; kan politik kalkawngah hian hmah emaw, man fuh loh emaw kan nei a ni. Eng dang a ni lo, politik azawnga a hniam ber Party Politik hi Politik emaw kan tih vang mai mai a ni. Sorkar tha siam tura politik ngaihtuahnate hi kan pawl din chhanah kan hmang lo a. Chuvangin policy mumal pawh kan nei lo. He ram tan hian engnge ka tihputlin ang a, engnge ka hmachhawp ni ang tih ai chuan, chak politik bak hriat leh khelh kan nei lo. Chuvangin politician sinjar tak takte pawhin 'keini pawl chu development hi kan tum chu a ni mai' te hi an ti nulh nulh mai a ni! Leh lam pawl sawt thiam apiang chu a thawhhlawk an ni mai. Kan ngaihtuahna, kan beihna leh sorkar kan kalpui dan pawh Party huangah vek kan khurkhung a. Chuvang chuan alawm, eptu pawl nih laia tihhlawhtlin duha kan aupui vak vak kha, ruling nih huna kan hel leh nachhan thin hi!

He Politik Haitho buaipui reng reng hian kum tam kan kal ta. Kan buaipui hian ram hi a thlen tlat loh avangin, a lal hnuhnung apiang an hmelchhe mai a. Chhungkaw member 10 zinga 3 chauh intihbingna chu a tawpah a puak keh leh mai thin a ni. ZKP President-in an kawngzawhnaa, 'Nangni opposition party te pawh in pianthar loh chuan...'

zawng zawngin an tih zawh tawh hnu hi chuan, mumala far chhuak tur hi a awm tak tak tawh lo a ni. Hei hi politik khel tura party kan indin dan leh kan ngaihtuahna hian a nger sa hrim hrim a, hmasawn ngaihna a awm lo a ni.

He politik party system-ah hian kan bel tawh lutuk a, a tam ber pheii chuan a pangngai lo hi chu tihdan dang awm thei turah kan ngai thei tawh lo a ni. Chutihlaiin, he system hi kan thlak mai ang tih hlau em em politician-te chuan, 'state dangah pawh hetiang tho hi a ni, kan ram pheii chu a ziaawm ber kan ni zawk' tiin mipui min fah char char a. Mahse, mi rama politik changkang tak tak te kan hmu a, politik hmanga thil ropui tak tak an putlin dante kan zir a, kan awmdan chu a dik lo a ni tih chu kan hre si a ni. Khawthlang leh khawchhak lam ramah pawh politik hmang thoin ram an kaihruai a, anni chuan hma an sawnpui a ni. Eiruk chingte pawh an lo awm ve, mahse, Prime Minister an ni emaw President an ni emaw an man chhuah chuan an zuah chuang lo. Sual thup tum nan tuman party thilah an la ngai hek lo.

MPF hoin inthlanna fel fai siam tumin hma an la a, a tha e. September 1996-a UN kaihhraina Bosnia rama inthlanna an neih khan, Richard Holbrooke-a, American diplomat chuan, "Inthlanna kha chu a fel fai khawp mai, mahse, an thlan tinate

a tih ang khan tun dinhmunah hi chuan khawiah mah beisei tur kan nei lo. CM nih hnuah pawh Party President hna thlah ngam lo thalh vek kan neih atang hian, tumah hi kan danglam tak tak lo. 'Kan bet rei tawh lutuk a, kan mi leh sate uidinna tur kan ngaihtuah a ngai a ni,' tih tawngkam te lek pheii hi chu ram hmangaihtu tan chuan khurhpui zawih zawih tham a tling a ni!

He politik haitho ze nghet takin min salbehna atanga thil tha lo lo irhchhuak lian ber mai chu corruption hi a ni. Party politik-ah chuan mi leh sa induhsakna chu kalphung pangngai ni hian kan hre tawh a. Danin a pawmzam thei lo a, a ruk a ral leh, a dik a dawk thlu lova tih a lo ngai a, corruption hi a lo zi chhuak nghal mai a ni. A hotu lamin an tih dik chuan si loh chuan, sorkar hnathawk lam an lo huangtau ve leh a; kawlbun lohna tawh tur vela thup sam leh kikawi deuha sum siam thiamho chu tunlaia pa fing kan tih takte hi an ni. Hmanni lawka politician leh party worker naran ve tak kha kum 5 chhungin thup hleih theih loh in, an In leh lo chauh pawh ni lo, an ui vulhte nen lam hian an thang chho zawt zawt a. Hlawh leh dinhmun thuhmun theuh theuh, thenkhatin pawisa an lungte hman laiin a then chuan ration lakna tur thlengin an inhisap ve kauh kauh a. A hawp thei leh a chawm thei

kha, chi bing tuipuitu te, inlakhnan duh pawlthe leh tharum thawh duh mai mite an ni hlawm a," a ti a. Tichuan, sorkar tha leh duhawm tak nei tur chuan, democracy inngahna lian ber pakhat, inthlanna fel fai piah lamah hian mel fe kal a la tul dawn a ni. Han inchirhtheh bawh thin mah ila, India ram hmun tam taka an inthlanna ai chuan keini hi chu tha tak kan la ni. Mahse, engatinge tuman sorkar tha tak hi an siam theih si loh? A chhan ber nia lang chu, kan democracy zalenna hi party rawng hian a chim hneh lutuk a ni.

Sorkar lai leh eptu party-te chu englai pawha inhnial reng mai tur, pakhatin, 'a var' a tih chuan leh lamin, 'a dum' ti ngei ngei tura ngaihna hmun niah kan ngai tawh a. Dawt hmang pawha inpuh leh mai thin an nih tlat avangin, an fel lohna leh an diklohna dik takah pawh, party inchirhthehna ang riaka kan dah tlat tawh avangin, sorkar lai fel lohna te pawh hi a hliakhuh leh mai thin a ni. Sorkar lai party chu lo tlain, a dang han ding leh thin mah se, party ngaihtuahna huang vek atanga engkim hi kalpui kan nih avangin, tumah hian hma kan sawn tak tak thei lo a ni. Kan political history kan thlir let chuan, tute thatna leh awhawmna emaw vang ni lovin, a lal lai nin avanga a dang hlan chhoh hi an ni deuh vek mai.

Kan kalphung hian min chim hneh thawkhat tawh tih a hriatna chu, dik leh dik lo, fel leh fel lo kan thliar thiam tâk mang loh dan aţang hian a Chiang a ni. Kum 5 chuang minister ni tawh te chu nei thawkhat turah hian kan dah deuh ngawt mai a.  hangkhat lian engineer hna thawk tawhte pawh veng khata a nei pawl an nih pawhin mak kan ti tawh hauh lo.

Phailama eiruk ching hote khu chuan a tlangpuiin an thup hram hram a. An thilneihte chhep relhin, a lang lo thei ang berin an khawsa a. Keini chu kum 4/5 lekah vung chhuahin, a khawnawt pawhin hre vek mah se, kan pawisa hran lo; kan intithez zaw mah a ni! Democracy inngahna lian tak, rules of law leh judiciary lam kan palzut  thin avanga corruption hi lo  hang duang a ni mai. Chung zawng zawng te chu kan politik-ah hian han phawrh dawn ila, party leh party inbeihna anga engkim kan kalpui vek avangin, dik leh dik lo pawh a hriat tak tak theih loh.

Mi zawng zawng politik tui nua hnim vek kher lohna politik, politik thianghlim leh kalphung fel tak nei politik, kum za chuang chuang miin an lo kalpui tawh politik, party tam takten an ram hmasawna tur atana

tawh? Tunah phei chuan kut hnathawkte leh  thalai thlengin an au chhuak tawh a nih hi! Mizoram a tlukchhiat chuan tunge dingchhuak ang? I ram ding chhuak si lovin, i ram chhungah nang kha i ding chhuak thei ang maw?

HEL PAWL LEH POLITICS

Kum 2003-a MLA inthlan khan, bial  thenkhatah chuan ralthuam keng hel pawlten kawngro an su viau niin kan inpuh tawn nasa hle a, chung zinga sawi lar deuh te chu Suangpuilawn biala silai mu sem leh candidate kidnap thu te, Champhai leh Khawbung biala ralthuam hmanga invauna chungchangte kha a ni. Party leh party inpuh tawna nge a nih thu tak tih mipuiin ngaihdan inhnial kan neih laiin, chung invauna vela tel ngeia inchhalte chuan March ni 29, 2007 khan Hotel Orchid-ah chanchinbu mite an kawm a, ziak meuhin thuchhuah an siam a, sorkar pawh an puh nasa viau a, mahse sorkar aţangin chhanna emaw, sawifiahna emaw a awm lem lo a, an ngawi ral ta mai mai a, eptu party lam pawhin an han vaw vung dawn deuh a, mahse tim chin an nei a ni ang, sawi zui a hlawh thui lem lo.

Hel pawl hrim hrimte hi a pawng ataka dem ngawt tur a ni lo ang. Inthlan naa an rawn inrawlhte

intihsiak nana an lo hman tawh politik hi chu a awm ngei a ni. Chumi hawi zawnga Mizo mipuite hi kan kal hma loh chuan, khawi ram mah kan thleng dawn lo. Kan tihdan phunga bel tawhhote hi chuan, kan lunglen zawng awm tak tak eng eng emawte hi chu rawn sawi leh hluai  thin mah se, hman aţanga vawi tam bu kan let tawhna thil kha a ni.

Tuna kan party kalpui dan loh ang hian, Europe leh America ramah te pawh kum za chuang fe politik hi an lo buaipui tawh a sin. A hnarngul hniam ho, Japanese, Korean leh Singapore ramte pawhin  hang hnih khat lian lekah party politik ruihchilhna tel lo politik nen an ram chu keni ngaiha hnutetui luanna ramah an siam daih tawh.

Tunah hian i thenawmte aiin i rahbi a fuh deuh a ni mai thei, mahse, i thlahte thlengin a fuh dawn em? Tun kum 30 chhung hian Bazar Bungkawn aţanga Dawrpui biak in kawngchhak lama dawr awm hi mi za engzatin nge inluah chhawk tawh le? Kan economy  ha lo avang hian kan dinhmun hi a inthlak zung zung mai a ni. Beidawn avanga siam that theih tawh loha i ngaih avang ringawt khan i thinrimna hi a reh bawh hek lo vang. Ram kan enkawl na avanga kan thinrimna leh lungawi lohna hi UT tirh aţang khan a l t engzatin nge pung chho

pawh hi eng vang nge tih ngun taka chhui a ngai fo.

Central-ah National Democratic Alliance (NDA) an sorkar laia Defence Minister George Fernandes-a Aizawla a lo kal khan, Mizoram Chief Minister-in State Guest House-ah zanriah a lo kilpui a, chuta a thusawi pakhat chu, "Hmarchhak bialah helna (insurgency) a tam hle mai a, state tinah hel group hrang hrang an awm a ni. Heng helna hi in harsat chhanah puh ngawt tur a ni lo. ** thalaite hian eizawnaah harsatna an neih vangin hel pawl an indin ni zawkin a lang**" tiin a sawi a, a dik viauin a lang. Tunah hian kan tlangmi pui, kan hnanthlakpuaia chhiar theih hel pawl hi sawm chuang lai an awm a, Manipur, Mizoram leh Burma tlangram velah hian hmun hrang hrangah an veivak  thin. Hel pawl an nih vang leh, silai kenga ramhnuai a an awm vang maiin misualah chhiar ngawt tur an ni lo. Nun ral ti reng reng tura ramhnuai a khawsak a, mahni in lum luah ngam lova ramhnuai a bihruk reng mai hi tute tan mah thil chakawm a ni lo a, chhan  ha tak a awm loh chuan thil peihawm a ni thei lo.

Keini Mizote ngei pawh kum 20 chuang kan hel a, kan mi thiam rual leh sakhaw mi tak takte  hahnem tak ramhnuai a an chhuak a nih kha. An sual vang a ni lo, chhan a awm a ni. Kan behna

India sorkar khan hmasawna kawngah min en hrang riain hre bik lo ila, zalenna sualin kan chhuak hum hum lo ang. Tuna kan tlangmi hel group hrang hrangte pawh hian an hel chhan sawi ta se, chhan mumal tak neia hel an ni deuh vek ang tih a rinawm.

Kan hriat theih chinah pawh thenkhat hel chhan chu hmasawnnain a thlawhkhum vanga rilru na te an ni a, thenkhat chu an awmna state sorkarin a enkawl dan a dik loh vang te, mahni phu tawka engthawlna khawp dinmun nei lova inhriat vang te, corruption nasa lutuk an tuar zawh loh vang te, mi tha leh mi chhiate inkar zau lutuk vang te, thianghlim lo taka induhsakna vanga employment problem-in a nawr chhuahte an ni. An han hel takah chuan harsatna chi hrang hrang an lo nei a, a tira an hel chhan bakah ngaihtuah tur dang tam tak an lo neih belh a, tlakchham tam tak an nei a, chung an thlakchhamnate chu remchangah hmangin tualchhunga politician thenkhat hian lukhawng neia politics hmanruaa thlemte an lo ching thin ve baw a ni. Hel pawlte hi kan haw dawn a nih chuan, a him china khawsa chungah hel pawl hmanruaa hman tum tualchhung politician-te hi a let tam takin an huatthlala a, mipui pawl pawh an sawi nasa zawk daih ang.

thova Pathian ringtu an ni si a. Chuti lo va, inthlan awm hun vote min khawnsaktu atana beiseina nei rilru chungah enkawl chuan, an buaina hian zual lam a pan zel ang tih a rinawm. Chutiang zel chuan Mizoram chhunga chi bing dangte pawh, an mamawh ber chu bawm thawl, zalen taka an khawsak theihna, hmasawna atana ruahmannain an khawsakna biala dik taka hna a thawh theihna tho kha a ni a, rorelna dik chhunga leng lo tur khawpa hnam danglam bik an awm in a lang lo. Hamthat fal tum party lianho hi inrawlh hauh lo se, tlawmngai pawl emaw, Kohhran hruaitute emaw tan, remthu fehpuhi hi a ngamawm a, a tul baw. Inchemhar tura hnampuite hnutchhiah ngawt mai hi a pawl ngawt mai.

Zirlai pawlten zirlaite zingah inpumkhatna tha tak an awmtir thei a, lungrual takin thu chhia thu tha an sawiho thei a. Kan zaithiamhoten hnam inpumkhatna hlutzia zaiin an puang a, chu inpumkhatna chu mawi taka a par chhuah theihna turin an theihtawp an chhuah a, YMA-te pawhin Chibing inla hrang lo zawnga politics kalpui ni thei se an duh a, an tang ulh lek lek nghe nghe. Chutih laiin kan politician-te hian kan thlah khatpui kan unauhte hi thuneihna kailawn atan ringawt kan lo it anga lang hi a va pawl em!

INREMNA KAWNG A AWM

Insurgency hi sawimawi tur chu a ni hauh lo a, mahse a chhan zir chian tur a ni. Entirna pakhat chauh sawi ta ila. Sinlung Hills Development Council kan tihte hi state sorkar hian ruahmanna fel tak nen enkawl se, hmasawna hna thawhna kutke atan hmangin, fimkhur taka enpui chungin mipui mamawh puhruk tum zawngin hna thawhpui se. A huam chhung mipuite pawhin anmahni chhungah zalen taka ngaihdan sawiin, democracy kalphung dik takin an hruaitute pawh inthlang ve thin se, Aizawl atangin eng party mahin mahni party tihchakna hmanrua atan sawp kawi vak vak lo ila, mipuiten hma an sawn theihna tura dik taka hna thawh a nih theihna turin thianghlim taka kaihhruai ni se, an harsatna tam tak hi chu a ziaawm ngei ang.

Zo hnahtlak hnam bing zingah pawh inpumkhat tha ber thin, hnam zaidama sawi kumkhua lo ni thinin heti tak maia harsatna an tawk hi a pawl takzet a, state sorkara thuneihna dawhkan atangin duhsakna rilru dik tak nen chinfel theih a ni ang tih a rinawm. Hmangaihna rilru ngil tak nen, Pathian rinchhanin chinfel tum ila, a kawng a awm tur a ni; keimahni ang

CHHIM BIALAH RINAWMNA

Kan autonomous district council neih meka kan unauhte pawh, politics ball-ah kan hmang nasa lutuk a, rinawm thei lo khawpin kan sawisa a, inrin tawna tel miah lova indawrte chuan tumah hian kan tlin rei lo reng ang chu. Min ring miah lotute chungah chuan rinawm reng harsa tak a ni. Chutiang bawkin min ring ngam tlattute bulah chuan rinawm loh reng hi harsa tak tho baw a ni. An autonomous council hruaitute an thlan dawna sum ip puar luah ak chungah Aizawl atanga zana feh pheihinte hian an thil va tih thinte hi ngaihtuah nawn leh se, tu hi nge rinawm lohna hmahruaitu leh a chi tuh tiaktu chu an hre chiang ngawt ang chu.

Chuvangin Chakma an ni emaw, Lai an ni emaw, Mara an ni emaw, a hnam anga rinawm lova puh hi thil dik a ni thei lo; an zingah mi rinawm tam tak an awm a ni. College kan kal ve laiin, Chhim bial chhunga mi engemaw zat kan zirpui an awm. College zirlai an nih lai chuan rinawmna kawngah te, sakhaw zah kawngah te, thian inkawmho zinga inrintawna kawngah te, hnam inuau kawngahte leh leadership chungchang thlengin, tluk loh rim nam, an hnung zui tlak ka hmu nual a ni. Hmar bial politician-ho zingah hian, sum cheleka engkim tih theih nia hria apui hi an tam ta khawp a, chungho chuan

sum hmangin vote an zawng a, mi rethei an hmuhin an lawm a, an hmuh hnem poh leh an thlamuang a, an tihpiansual theih zawng zawng tihpiansual an tum ni ber hian a lang. 'Piangsual vote pawh vote khat tho, Pastor vote nen a hlut lam a inang reng' tihte hi kan ram hruaitute sawi duh dan a ni a, chu zawk chu a ni, vawiina 'Chibing' rilru chawh chhuak fotu chu. Sum hmangin mi rinawmte an tichiai a, sum hmangin mi duhthlanna an tichingpen a, sum hmangin hruaitu dinhmunah an inhlangkai a, chu chuan mi rinawm sate an tikhawlo a, hnam tlem zawkte sum hmangin an rap bet a ni.

Hnam tlem, sakhaw khat bia, tawi te han chhui kir pawha pu inawm thuai, tawng khata inbe thei, khawtlang nun nuam tak ni thei kan nih hi engmahin a tihchhiat kan phal tur a ni lo. Hnam upa leh fng zawkte chuan an hnam bo an zawng a, ni thei awm lo thleng thlengin an hnim kual hram hram a, rem lo chung pawh an rem khawm hram hram a ni a. Keini hi, kan Party Office atangin ring deuh deuhin Pathian hming kan lam a, kan pawl hamthat theihna lam hawia duhthu samin, kan duh duh hi Pathian kutthlakah kan puh chiam chiam a, a taka tute chung emawa kan tih duh zawng chu Pathian thu nen a inkawlkalh leh hle bawh si. Pathian ring tuanchhuak ngam Ram hruaitu kan mamawh e.

thahsak a, an hmeichhiate tenawm takin an sawisa thin. Khawvela Tsunami na berin a nuai tak ram kha a ni. Kha thil thleng kha han sawi zui mai mai ila. Tsunami tuifawnin a nuai nasatna lai ber hmun kha Sumatra a ni a, tuipui kam hnaia awm a ni. Khami hmuna cheng Kristian-te khan kum 2004 Krismas kha hlim taka hman tumin, tuipui kam hnaiah khan Puan-In te an kaih a, chutia phur taka Krismas hnatlang an neih lai chuan, an chhehvela cheng Mosolman-ho chuan an tibuai a, chung an Puan-In leh Pandal-te chu an tihchhiatsak vek a, an um tiau a, mangang takin an siam a ni. Chu vang chuan, zalen tak leh urhsun taka Lal piang lawm turin tlang chhip hmun biru lamah an insuan a, chutah chuan Krismas pawh hlim takin, tuma tihbuai lohin an hmang ta nghe nghe a ni.

Chutia tlangchhipa Kristian-ten Lal Isua piancham an lawm lai chuan, kha Tsunami rapthlak tak mai khan tuipui kam vel kha a rawn nuai ta a ni a, Mosolman-hote khan buaina siam lo chu ni se, Kristian-ho pawh khan kha chhiatna rapthlak tak kha an pumpelh bik hauh dawn lo a ni awm e. Pathian thil rel dan hi chu a chang chuan a mak thin ngawt mai. Tih tak zeta amah tihute Pathianin a chhanchhuahna hmanrua hi, a chang chuan hriatthiam te a har a, pawm

MI RAMAH CHUAN

Kan Mongolian thlahpui, Asia chhim chhak lama cheng, khawchhak ram hausa kan hmuh phakho, kan ni tin mamawh tinreng kan han lakna ram hrang hrang - Thailand, Korea, Singapore, Malaysia, Philippines, Hong Kong etc hote khian, ram inrelbawl na kawngah Zofate manganna tawh ang hi an lo tawh ve deuh vek a, a hun taka an rilru an siam vangin, kum 30 kal ta lek chhungin ram ropui takah an inhlangkai hman deuh vek a ni.

Kum 1966-a Mizoten India laka zalenna kan sual tan tirh lai velte kha chuan, kan kawmchhak ram hausaho khian khawvel hriat an la hlawh phak bik lo. Keimahni ang thovin hnam dingchhuak nih tumin chhanchhuaktu an lo zawng ve thin a, a fng hmasa apiang an ding chhuak hmasa a, chhanchhuahin an awm zel a. Chhanchhuaktu atana an mi chhar chhuah, an thlan sual ngai reng reng loh chu, ANMAHNI zel a ni.

RAM MAWL FAL PAHNIHTE

Kan kawmchhakte zingah rau rau pawh khian, mahni inchhanchhuah nachang hre lo ram pahni an la awm mek a, pakhat zawk chu Indonesia khi an ni. Mosolman sakhaw be ram an ni a, sakhaw dang bia, a bikin Kristian-te hi an hal em em a, Kristian awmna khua chu an run a, an mipate an

thiamte pawh a har fo thin. Tunlai thleng pawh hian, tawrhna mak leh rapthlak tak takte hi Pathian hian a mite chhanchhuahna hmanrua atan a la hmang thin zawng a nih awm hi maw.

Mahni inchhanchhuah nachang hre lo ram dang leh chu kan thenawm Burma hi a ni. Malaysia ramten khawvel hriat an hlawh phak ve hma daih khan, Burma tlangval U Than chuan UNO-a dinhmun chungnung ber Secretary General hmun an lo luah daih tawh a. Chu mai a ni lo, Burma ram hi khawvel zah kai khawpin a lo hausa thin. Sorkar pakhat rau rauvah buh thar hnem ber, thawnchhuak tam ber an ni thin. An ram lei that (fertile) zia te, tualto thing an neih mawizia leh neih tamzia te, an lei hnuai Oil tha ber chi a tlin chhahziate hi khawvelin a hai lo a, anmahni pawhin an hai hek lo. Mahse an ram inrelbawl danin a han zir lo tak tak mai a, kum 20 chhung lekin chak lutukin an tlachhia a, tunah chuan khawvela ram rethei ber, hmuhsitawm ber zinga mi, Laos-te nen khaikhin an hlawh vel mai mai tawh a ni. Tlai khawhnuah chhanchhuah hna thawh tumin mipui an han inhawr khawm chiam a, "A che che sih hlawkah" tih ang mai khan, ram siam that tuma inhawr khawm University zirlai rualte chuan silai kaw

hmawr an hmachhawn a, College tualah thisen a luang zeih zuih a, an inchhan chhuak zo chuang lo a. Nasa zawkin an han bei leh a, inthlannaah hneh deuh maiin mipui kutthlak pawlte an han chak a, mahse an Lalnu Estheri tur emaw an tih chu tuipui kama in te reuh teah pawn chhuah khapin an hreng bo leh daih a.

Ni tin chhiatna lam kawng an zawh zel bawk si a, an mangannain a vawrtawp a thleng ta takzet a, an sakhaw puithiam rual Buddhist Monk-ho an lo pen chhuak ta hial a. Puansen an sin a, ngawi rengin kawng an zawh a, thuneihna chu civil mite kuta dah turin sipai lalte chu an nawr a. Sipai hote chuan haw tehreng mah se, an sakhaw puithiamte an nih miau vang leh, sorkar ropui zawka Buddhist sakhaw biate mitmei an ven vangin, silai an chuh ngam lo a, tiang erawh chu an lek a, Puithiam kawngzawh hmahruai thenkhat chu Prison Van-ah nawrluh an tum a, anni an lo tang ve tlat bawk si a, puithiamte hial pawhin hliam an tuar a, engtinngan an khawsak zel dawn hriat thiam a harsa tawh khawp mai.

Tuna Burma ram dinhmun dik tak khi a chhiatzia sawi thiam sen pawh a ni tawh lo. Leilung hausa lutuk chungah mihring an rethei em em a, khawvel pum hmuhsit an hlawh tawh a ni. An rama

HNAMCHHANTU CHU PUTHIAM

Kum 2001 kumthar hlina Philippines ram inchhanchhuah dan ve thung kha mawle, mitthlaah a la cham reng a ni. An lal ropui, rorelna kham thei lo Ferdinand Edralin Marcos leh a nupui Imelda Marcos-i te khan an ram hausakna kha anmahni chhungkaw pual atan an her lut zo duak duak a, an Hydrel Project siamna tur hmuna compensation hui zo deuh vek turin an laina hnaite hmingin a tam thei ang ram an lo patta ve te pawh a ni ang. An ram a pachhe tial tial a, an mipuite khawsak a harsa tial tial a, Lalnu Imelda-in pheikhawk a ngah tial tial a, an Leipui thlam nghaktu an Uite-te veng turin sorkar Police-te pawh a ruai ve a ni mai thei, contract hna an sem chhuah atangin 3% an pawh heksak ve pawh a ni mahna. Mahse an hun hnuhnung lam kha -

Kristian ram a ni a, Kohhran hrang hranga Pastor-te leh puithiamte an mangang a, an Synod Social Front hmangin a dik lo lai an han bihchiang hmasa te te a, MPF kan tih ang hi an din a, an ram dinhmun ngun taka an enin, vote thlak ni nghah thlen ngam chi niin an hre lo a, Marcos Palace panin lamlianah kawng an zawh mep mep mai a, puithiamten hma an hruai a, silai leh thingfak lam an keng lo, Kraws lem inkhai thi an awrh a, Holy

roreltu sipai sorkar hotute khian thuneihna an kham theih loh vanga thuneihna khi chelh reng pawh an ni tawh mang lo. An aia thuneitu sang zawk mipui sorkar a lo din hlauh chuan, thuneihna hmanga an pawikhawih zawng zawng khi a nghawng tur an hmachhawn ngam tawh lo a ni. Sipai chakna chauh pawh an hmang tawh lo a, silai hlauhawmna khi an chelek ber a ni tawh mai. Civil thuneihna hnuaia mualpho taka thihna hmachhawn turah an inngai a, an thil tih tawhin chu chu a phu tawh tih an hrethiam pha vek si a, chuvangin a kaw tawpah an tang a, thluak aiah ngen mu hmangin mipui an awp bet a ni ber. A ngam ngam chu an ram chhehvelah an tlan darh chum chum a, keini Mizoram takngial pawhin a nuai tel dawn lai chu kutdawh chawpin kan lo mikhual mek a nih hi.

Burma rama puithiamho khian an ram mipuite chhanchhuak tur khian eng chen nge an beih dawn a hriat loh a, an chhanchhuah mial chuan, an ram leilung chunglang hausakna te, an ram leihnuai hriak dak hlukte hmang khian, tunlai thiamna nen tan han khawh thei hlauh se, kum rei lote chhungin **Switzerland of the East** min nih khalh leh mai ang; chu chu an sakhaw puithiamte kutah a awm.

Bible an zakzeh a, Gideon-a hova Jeriko kulh an hual ang mai khan, Marcos-a kulh hungna bang chu an tawn tlang a, hlemhletnaa khat Marcos-a leh a chhungte tan chuan a tawrha han tawrh chi rual a ni lo. An tlanchhiatna tur thlawhna ticket an chang hman hram a nih kha.

Tichuan, chhanchhuahna beihpui hlawhtling taka an thlak hnu chuan, ram rorelna an han siam rem a, hruaitu lailawkte pawh an han siam zawk zawk a, a hnuah hmeichhe naupang emaw tih mai tur nu te reuh te, tangtai peih tak, hmel tha ving veng, **Gloria Macapagal-Arroyo** chu President atan an siam a. President atana lakluh a niha a thusawi hmasa berah hian, hun khaihlak chhunga an president te, sorkar hotu lu ber berte an thu khup a, chung zinga a lamrik (address) hmasak berte chu, an rama Kohhran hruaitute a ni. Dawhsanah a ding a, "Our beloved leader of the church and father of EDSA, his Eminence, Jaime Cardinal Sin; his Excellency, the Papal Nuncio and the other members of the Diplomatic Corps and the international community; our heroes of EDSA" a han ti te te a, chumi hnuah ram hruaituho chu a chham chhunzawm chauh a ni. Politician-ho ai chuan Kohhran puipate a dah chungnung hle tih a lang chiang khawp mai. Hemi

ṭuma a thusawi leh, a hnu lamah pawh, "May God bless you all" ti hian a thusawi tlang a kawm deuh zel bawk nia.

He nula te hian ṭangṭai chung zelin Philippines mipuite rawng a han bawl ta a, kum thum chhunga intodelh a tiam vak vak lo, a kum khatna aṭangin mipuite an hlim a, an thla a muang em em a ni. Inthlan a lo hun meuh chuan, eng hel pawl mah a ruai lo a, pawisa ip nen house to house campaign a ti lo a, thisen a chhuak hek lo a, silai mu pawh a sem hek lo, hneh takin mipuiin an thlang tling ta tho a, Philippines politics history-ah khingpuite hneh ber record zu siam a!! Mipuiten lungsi takin term thumna an chelhtir mek a, Kristian ṭheuh ṭheuh, Lal Isua ringtu ṭheuh ṭheuh, a inan loh theih teh e. Heng hi hmanlai thawnthu a ni lo a, tuna sorkar ding mek chung a thil thleng, wawiina mi ram chanchin a ni e.

South Africa ram-ah pawh, ram rorelna chhe lutuk siam ṭha tura Pathian kutthlakna a awm kha. Mipui mangang au thawm a ring tawh si, an ram inrelbawl danin sual a tipung tial tial reng bawk si, an puithiamte meuh pawh tu tih hriat loh kut tuarin an thi a, chutih laiin thuneituten an police-te chu cement chawk kawituah an hmang bo vek ni ngei tur a ni.

PIANNA ZORAM

Kan ramin chhanchhuah a ngai tih chung-changah hian, Kohhran te, Tlawmngai pawl hrang hrang te, Thahnemngai pawl hrang hrangte hi kan inlungual tlang viauin a lang. Chhanchhuaktu tur kan zawng a, kan hmu dawn pawhin a lang ṭan mek. Kan duh phawt chuan tu pawl mah sawi lovin keimahni kan inchhanchhuak thei a, kan inchhanchhuah rualin, hlauhawm lak ata ram kan chhanhim thei bawk. Hnam natna vei mek tihdamna hmanraw awlsam tak chu, mi rintlake hnena vote pek a ni. Thil buaithlak tak erawh a awm, Tu chu nge mi rintlak chu? Kan chhanna a insaikalh nghal ang. Engtingge ngaihdan thuhmun kan neih theih ang? Chutah tak chuan Kohhran leh Tlawmngai pawl lama hotute an pawimawh ta a ni. South Africa leh Philippines ramte ang khawpin kan ram hi a la chhe ve hauh lo a, mahse a hun laia kan chhanchhuah loh erawh chuan, hun thim takin min chim hun hi kan hlat tehchiam tawh bik lo. Hmasawanna a chak ang zelin, sualna pawh a chak a ni. Khawvel hriat thama movement lian tham emaw, a hnu leha sawi nuam lo emaw, ṭhenawm khawveng inhuatna piang thei khawpa innawr emaw a ṭul rih lo; a ṭul hun nghah thlen kher pawh a finthlak na hek lo.

Kohhranin a tuar ta ngang lo a, Roman Catholic puithiam a lo pen chhuak ta ringawt nih kha. Puithiam Tutu chuan Pathian rinchanin ram chhanchhuah hna thawh a tum tih Chiang Takin a puang a, ram rorelna chelh mektu, khua leh tuite chung a hleilen sim duh lotute chu an lo luhlul ve laklawh a, an rorel dan kha leh corruption hleihluak tak chu an siam duh lo a, Pathian chakna hmanga Kohhran mipuite lo thawk chhuak tur chu do hneh turah an inngai a, an ram rorelna au chim thei khawpin eng an tih theih an ring zo lo a ni awm e. An ring ṭhelh Chiang Kher mai. Pathian mite dodal chu tih rual a lo ni lo. Puithiam Tutu chuan hma a hruai a, Kohhran mipuiten Pathian an han au a, an rama roreltute chu thisen chhuah khawpin an lo ṭang ngam awzawng lo mai a, chhe thei lova inngai roreltute chu an chhia a, tlu thei lova inngai chu an tlu sawp hneh khawp mai. Kristian mipuite chung a roreltu atana Pathian ṭih mi mi ṭha an thlan chhuah a, an hun fel hnuah Bishop pawh chuan puithiam hna chu a chhunzawm ve leh mai a, khawvela chawimawina sang ber Alfred Nobel-a Peace Prize a dawng hial a nih kha. Ram rorelna a tluk chhiatna hmunah chuan, chhanchhuaktu chu Sakhaw puithiamte hi an ni deuh zel ṭhin.

CANDIDATE TU SIAM TUR NGE?

Ram rorelna ṭha din chhuak tur hian, eng political party emawa tel kher hi a ngai lo a, tumahin kan ba hek lo a, eng dan mahin a phut bawk lo. Roreltu atan kan duh duh kan vote hi a thiang. Chutih laiin candidate thlangtute lam zawng hian an pawl aiawha bial hrang hranga ding tur an siam a ngai a, chumi atan chuan pawl anga awm hi a remchang e tih mai chauh a ni. Chu chu political party-te hi an ni. Hetih rual hian political party ni hauh lo tlawmngai pawl (NGO) emaw, Kohhran inzawm khawm pawl MKHC emaw, MPF emaw, a nih loh leh Kohhran mal Baptist emaw, Presbyterian emaw pawh hian ṭul nia an hriat phawt chuan candidate an siam hi a thiang a, eng dan mahin a khap lo a, political party an nih loh vanga an tih a thian loh chhan a awm reng reng lo. Kohhran emaw, tlawmngai pawl emaw chuan ṭul an tih phawt chuan ram roreltu atana an mi duhzawngte thlang khawmin, mipuite thlan theih turin an chhawp chhuah a thiang. Ram roreltu atana duh zawng thlang khawma dintir tur hian political party din kher a ngai lo a, eng registration mah a ngai hek lo. Sorkar siam khawp an tling an nih phei chuan, danpui chhungah sorkar an siam thei. Archbishop Tutu te tih ang kha a ni mai.

Thalaite zingah ram dang kalphung hre phak mi thiam an tam ta hle a, ram khirhkhan tak takah pawh roreltu dikten kawngro an sut theihzia an hria. Kan ram, hnam inthural em em si heti tak maia kan hniam hi rual an awt takzet tih he tlangval thuziak atang hian i lo en teh ang.

RAM TANA RUALAWHNA

- Laltlanzova Khiangte

Han inngaihtuah vang vang la; Mizoram tan hian rualawhna i nei ve tawh ngai em? State changkang zawk leh ram changkang zawk pawh hmu pha kan ram hruaitu tam takte hian kan ram tan hian rualawhna nei ve tak maw! State dang leh ram danga thiltha thleng mekte hi kan ramah hian thleng ve se tih rilru pu hi an tam lo niin ka hre thin. Mizo thalai, India ram state hrang hrang leh ram danga inzarpharhte chuan an awmna hmun leh kan ram hi tehkhinin rualawhna nasa tak an nei a, Mizoram leh a chhehvela chengte pawhin media leh IT hmangin state changkang zawk leh tam changkang zawkte chanchin leh dinhmun an hria a, "Kan tamah hian hetiang hmasawna leh changkanna hi thleng ve se aw.." tiin duhthu an sam a, state dang leh ram danga chengte nen duhthusam inangin a phurkhawm mek a ni. An

lekhazirna hmuna an thil hmuhte leh Mizoram hi an han khaikhin a, kan tam hi an vei lo thei lo; "rualawh a va na tak em!" an ti tlawk tlawk a, "Engatinge kan ramah hian.." tiin zawhna hlin an khat thin. Keini Mizorama cheng mek tam takte pawhin an rilru hi kan tawmpui a ni.

Mi state leh mi ram tam tak chu tlangram ve tho pawh a nuam a, kan tam kawngpui tizau nuam ve turte, kan ram ngaw humhalh tur te, kan rama nungcha chengte humhalh tur te, retheih lutukna umbo turte hian eng chen nge hma kan lak ve le? Leiverh kan ti em ni, kan ti leh lo em ni? Kawngpui awmsa chungka kawng dang dawh kan ti em ni, ti leh lo em ni? Teak, Tung, Sawhthing, Aieng, Anthurium... ruahmanna a inthlak zut reng a, engnge kan tum ber pawh hriatfiah a har ta e.

India ramah hian Hill Station tam tak a awm a, chung Hill Station-te chu kawngpui tha tak takin a pawh zer zur a, "Mizoram chu tlangram a ni a, kawngpui tha neih a harsa a ni," tihte pawh hi chhuanlam tling a ni lo. Kan lo beisei lem loh Bawngkawn to Durtlang-te pawh tihlen theih a ni tih hi kan hmu theuh a ni lawm ni? Tour-De-France an tlanna France ram bung tam tak pawh kha tlangram chhengchhe tak tak a ni a, mahse tlang chhipah kawngpui a kal ve lo a, "Kan khua a tlawh

rualawhna hi a tam lutuk a, sawisen pawh a ni lo. Kawngpui, employment, industry, stadium, agriculture, power, information technology... etc. a tam lutuk. Ram tana rualawh nachang hria tan chuan engkim deuhthaw hi rualawhna tur a ni.

Hetih lai hian thalai ni tawh lo, nu leh pa zingah pawh kan ram tana rualawhna lian tak nei hi engemawzat an awm. State dang leh ram dang tlang rama kawngpui lian pui pui an sial te, factory lian pui pui an bun mup mup te, khawtlang zalem tak te, zirna in tha tak takte lhe mite hmasawna hmu thin chuan, "Mizoram hian thleng ve se, ti ve ila aw" tiin an rualawt em em a, State dangah industry chi hrang hrang hlawhtling chho mek an hmuhin rualawt em em an thir a, phai lam zirna tha zawka sum nei lo chung chungka, rualawhna avanga an fate an tirh lian dawn pheichua, "Aw... kan ramah hian institution tha tak takte hi a din ve theih lawm ni? Kan ram hruaitute hian an ngaihtuah lo em ni?" tiin an phun an phun a, an fate lehkhazir chhuakin thawh tur an han nei lo leh zel hi chu manganthlak tak a ni.

India tam khawpui hrang hrang pawh Mizote kan inzarpharh nasa ve ta hle. Khawpui hrang hranga chengte hi a tam ber chu zirlai leh hnathawk mek an ni a, engtik emawa Mizorama lo haw leh tumte an ni. An zinga tam takte chuan an

loh chuan kan nuar ang?" an ti ve lo a ni ang... tlang bul thut zelah kawngpui a kal a, an kawngpui kha thirsakawra tlan pur pur theihna deuh vek zu ni tho va! Kan ramah pawh a tih ve theih reng si a, mahse kan ti lem lo va, rualawh a na a, thangtharte rualawhna zel tur a ni.

Keini aia rual u daih mah ni se kan inkawm thin avangin kan thianpa tiin sawi ila; Hnam Chhantu Pawl dintu Pu Ramhmangaiha chuan Industry lama rualawh a natzia leh thawnchhuah tur kan neih loh avanga Hnam Chhantu-in thawnchhuah theih tur an ngaihtuah nasatzia a sawi fo thin a, rualawh a natzia hi thalai tam takte pawhin kan pawmpui tih ka chiang. Industry-a hlawhtlinna hi kan buaipui un-employment leh retheihna pawh engemawzat solve thei tur a ni a, mahse un-employment a nasat dan en hi chuan industry-ah rualawhna tur a la tamzia leh kan thlen thui lohzia kan hrethiam theuh awm e.

Agriculture kan sawi chuan hnuk-ulh nghal ringawt tur an tam. Tunhnai lawkah Chief Minister hluin kan ram luidung phaizawlte hman tlangkai a tulzia leh ei leh bara intodelh a tulzia Press mite hmaa a sawite kha kan ram hruaitu dang thenkhatte hian eng rilru puin nge an ngaihthlak ang aw tiin ka ngaihtuah a, ram hmasawna ngaihtuah tak tak

hruaitu chuan party dang mi pawh nise a thusawi hi a dik miau avangin a ti ve mai tur niin a ngaih theih a ni. Mahse, ka hre sual a nih loh chuan, party dang sawi a nih miau avangin party dang chuan a thusawi kan bengkhawn lo niin ka hria a, kan ram hruaitu tam zawkin luipui phaizawlte hman t̄angkai an tum thu an sawi zui ka hre tlat lo.

Kum tina ram hal hluah hluah reng mai te, kuthnathawktute hnena thlai chin tur kan kawhmmuh, a hlawhchhamna leh hlawhtlinna pawh hmuh hmaa thlak leh daih mai t̄hin te, ei leh bara kan harsat laia pangpar lo buaipui daih mai te, kuthnathawktute harsa lutukin kawng an zawh laia kan siamchhuah khawpui chep tak, kawngpui zim taka car nalh fahrana lo tlan tum phette pawh hi rualawh tinatu zel an ni.

"Hetiang tur hi a ni lo" tih nachang hriate chu rualawtin an kun tlawk tlawk a, Kuthnathawktute tan terrace system a t̄ha lawm ni? Terrace an hlawhtlinpui hmaa kuthnathawktu harsa tak takte sum lama lo t̄anpuina a awm thei ang? Kan phai neihchhunte hi buhchin na'n hmang ila, lui tui hmanga chawm dan tur a awm thei ang?" tia ngaihtuahna seng t̄hinte pawh an tam ve mai a, mahse kuthnathawktute an la rethei reng tho a nih hi. "Kuthnathawktute hi kan ngaihtuah loh t̄hin vang a ni lawm ni kuthnathawktute ram veiin kawng hial

nology, etc. a hmasawn phawt a ngai a, ramdanga kal tura t̄halaithe fuih ngawt hi a kawng hmang lo hle. Kan aiawha roreltura kan thlante hian t̄halaithe thawh tur hi an ngaihtuah tur a ni.

T̄halaithe leh nu leh pa tam takte paw'n rilru thlak kan mamawh. Kan t̄halaipuite leh nu leh pa tam takin ram tan rual an awm laiin party i la ruihchilh tlut ang maw? Mite'n an thlahte tana ram t̄hatna tur leh Pathian malsawm tlaka tha thawh an tum mek laiin keini'n ram leh hnam tana kan tin theih ngaihtuah duh miah loin, "Pathianin hna a thawh loh chuan engmah kan ni chuang lo vang," engmah tih tum loin i inhnem vel a, Kristian dik, thilt̄ha tih duh ni lo, "sakhaw atchilh" te tihdanin ram leh hnam tan pawha thilt̄ha tih tum loin, kan mimal hlimna tur leh kan taksa damna tur chauh kan ngaihtuah zel dawn em ni? Pathian hnathawh nghak ngawt loin, Pathian malsawm tlakin.. kan ram leh hnam tan., kan tu leh fate tan... Kristian dik tak, Isua Krista zuitu kan nih t̄heuh theih na'n... mahni seh seh mualah aw... ti zawk teh ang.

Pathianin kan chenna ram tura min pek, ram dang leh state dang a t̄ang pawha "Ka haw dawn. Ka ram, ka state," tih tur kan neih ve chhunah hian hlemhleta hmelhmang chhe tak te, ei leh bara harsatna te, t̄halai thawh tur nei lo te, kuthna-

an zawh kha? tihte ngaihtuah t̄hin, thil t̄ha nia an hriat a thlen t̄hin si loh avanga t̄halaithe leh nu leh pa tam tak, kan ram t̄hatna duhtute rilru a hah hi a mawh lo ve.

Kan t̄halai tam takte chung a un-employment vanduin lo thleng hi engnge a chhan ni ang? Kan rama mi challang t̄henkhat chuan, "Kan ramah thawh tur a tlem tawh si a, sorkar hna kan indaih tawh si lo va, t̄halaithe'n phai lamah leh ram dangah hna zawng ngam rawh u," te zu ti ngawt a! Kan rama t̄halaithe tana thawh tur a tlem chhan hi an ngaihtuah duh lo nge, an ngaihtuah peih lo nge, a ngaihna an hre lo? Kei leh ram tana rualawt midang t̄hahnem takte chuan kan rama hnathawh tur a awm loh chhan hi kan chhut a ni. Khawvel history-ah t̄halai zawng zawng mi rama hna an thawh tak vek kan la hre lo va, a tih chi hek lo. Mi rama hna t̄ha tak thawh chu a t̄ha alawm.. mahse mahni rama awma, mahni rama hnathawh tur hi a tam zawk an ni a, chungte tan chuan thawh tur ngaihtuah a ngai a ni. Chuti lo va, "Ram dangah kal rawh u," tia t̄halaithe hnawhdarh ringawt hi zawng a mawl mang a, t̄halaithe hnathawh tur ngaihtuah sak thei lo ram hruaitute hi chu keia tawnah chuan hruaitu tlat lo an ni. Un-employment solve tur chuan power, roadways, agriculture, industry, information tech

thawktu mangang te, sorkar hnathawh lungawi lo te, zu leh drugs hmansual duh tlatna thinlung te, midang chanai pawh laksak hreh lohna thinlung te, rukrukna leh sualna tinrengte hmuh tur a awm a, he ram hi kan neihchhun a nih miau avangin a siamt̄hat hi Mizo zawng zawngte mawhphurhna a ni. Engnge i tih hmasak tur i hre lo maw? "Nu leh pate'n sum lama intlansiak sim tur kan nei... in leh lo neih t̄hata in el pawh sim tur kan nei... lirthei nei t̄ha nih tuma vir virte pawh sim tur kan nei... nula leh tlangval, nuho leh pahote pawhin hlimhlawp leh zaithiam ngaihsan/ buaipui dual dual ringawt simin; kan tu leh fate chenna tur ram hi ngaihtuah t̄heuh teh ang u. Heti zawngin kan hmabak a thim em mai.

Mizo mipui tam takte rualawhna sawi kan nih avangin sawi sen a ni dawn lo va, a sei lutuk palh takin tawp dawn hnai tawh ila. Kan rualawhna tam tak puhru thei, kan ram dinhmun chawikang theitu chu ram rorelna t̄ha (good governance) a ni. Rorelna t̄ha neih duha Kohhran hruaitute'n rualawhna thinlung an nei hi an tih tur dik tak an ti a, Pastor-in politics dik lo an ngaimawh hi an tih tur dik tak an ti a ni. Ram rorelna a t̄hata, a dik loh chuan sakhuana pawh a t̄ha thei lo. Tlawmngai pawl hrang hrangin rorelna neih duha rualawhna

thinlung an pu hi thil dik tak a ni a, rorelna tha kan neih loh chuan kan ramin hmasawn dawn hek lo. Zirlai te, sorkar hnathawk te, journalist te, doctor te, sumdawng te, dan hre mite leh midang zawng zawngte pawhin rorelna tha, 'good governance' duha rual kan awt hi a dik chiah a, naupangte thlengin kan ram tan hian rual an awt tawh asin.

He poem hi Mizo Kids-a hmeichhe naupang class-VIII zirlai, Jenny-i poem lo thehluh a ni a, naupangte tan tala ram hmasawna tura article ziah zel hi ba vein ka inhriat phah a ni.

Zofate u, Harh A Hun Tawh,
Hmanah zawng a hring dup ngai e,
Nungcha tinreng hramte nen;
A mawi a nuam ngai e kan ram chu.
Mahse kianzai an rel ta;
Nungcha leh hring reng hmuh tur
a awm lo;
'Eirukna' leh 'Sualna' bak lo chu,
Nitinin a tla zel e, kan ram chu.
Hawh u! Mizo fate u!
Harh rawh u, a tlai hma hian;
Kan ram thatna turin i thawk tan
ang u.

He poem hi naupangin puitlingte min ngenna a ni. Mahni seh seh mualah kan ram tana thiltha

rintlak dapin, Kohhran leh Tlawmngai pawlte hi lo pen chhuak ta se, Pathian thih mi, mi rinawm tluantling tur, mipuiin kan thlan turte hi han chhawp chhuak ta se, hmui chauha sakhaw mi ni lo, thinlung leh thil tiha sakhaw ngai pawimawh, Thlam mawi tih vel mai mai buaipui lo a, ram leh mipui harsatna hriatpui a, chhanchhuak tura thawk thiam leh thawk peih, Kohhrante nena thu inzawn taka ram rorelna kalpui thei mi kan mamawh.

Mizoram hian hruaitu atan-

Ṭawngkam thiam a mamawh ber lo a,
Sap ṭawng thiam a mamawh ber lo a,
Lehkha zir sang a mamawh ber hek lo;

Ram mamawh chu -

Taima tak leh rinawm taka rorel thei a ni.

Kan ramin kan manganpui em em inthlan senso sang uchuak tak, a hnua corruption-in a zui leh ziah site hi chawp leh chilha um bo tur te, tenawm taka vote lei leh hralh tireh nghal tur te, tharum leh inrikrapna hmanga zalenna invau behna tireh turte hian, tun aia khauh hreta kal hi, Kohhran thleng pawhin kan mamawh ta a ni lo maw? Sual kan hua a, kan do a, a pung zel si, a chhan chu, kan soal do hi kan umpha lo a, kan dang zo lo a, kan hmetmit hman thin lo atin a ni. Sual inthlah pun

kan hriatte tih theuh tum tal hi a hun ta. Pu Vankhama'n, "Lâm kan them le kuhsi kan hlauh pei," a tih ang deuh khan, kan ram tana kan tih theih theuh kan tih chuan ram changkang, ram zalen, mi zawng zawngin ei leh bar tur an neihna ram, engmah tih tum lo, Kristian sakhaw dik tak zuina ram kan la ni thei ang tih hi i beisei tlat ang u. Nu leh pa an harh tan a, thalaite an harh tan a, naupangte pawhin ram tan rual an awt ve a, kan tanrual chuan 'kan ram tla me' hi a chho leh thei ngei ang. theih theuh kan tih chuan ram changkang, ram zalen, mi zawng zawngin ei-leh bar tur an neihna ram, engmah tih turn loa sakhaw atchilh tlatna ni lo, Kristian sakhaw dik tak zuina ram kan la ni thei ang tih hi i beisei tlat ang u. Nu leh pa an harh tan-a, thalaite an harh tan a, naupangte pawhin ram tan ruat an awt ve a, kan tanrual chuan 'kan ram tla mek' hi a chho leh thei ngei ang.

HNAM DAMNA KHAWIAHNGE?

Mizoram rorelna kalphung hi siam that kan duh tak tak a nih chuan siam thatna beihpui thlak tura mipuiin remchang kan neih lehna hmasa ber chu kum 2008 MLA inthlan lo awm tur hi a ni. Pathian rinchhana ram chhan-chhuak ngam tur mi

chak dan leh tirem tura kan dolet dan hi a indo tawk lo deuh niin a lang.

Sualna reng reng chu Setana atanga chhuak a ni a, soal dotu chu Pathian Thlarau atanga chhuak a ni. Chuti a nih chuan, Kohhrante leh Tlawmngai pawlte hian kan do soal hi hnung lam atanga um chung a do lovin, hma lam atanga um kir thei tura kan lehpelh a hun ta a ni lo maw? Kan ram hi thu mai ni lova ram ralmuang dik taka chantir tur hian, Neutral platform atang hi chuan tih ngaihna a awm tawh lo niin a lang. Italian philosopher Dante-a chuan, "Ramin chhiatna leh chiaina namen lo (moral crisis) a tawh lai pawh a, tute emaw huat hlauh vang mai maia awn bik lam nei ngam lo (neutral)-te tan hian, hremhmun sa lai ber hi hauh a ni e" tiin a lo sawi hial a ni. Kum 1960 chho vela khawvelah communism leh democracy a inep vanglai, silaia indona mai duh tawk lova ngaihtuahna leh hmanrua zawng zawng chuha Russia leh America a incho lai khan, American president rothap John F.Kennedy-a pawh khan American mipuite chu communism do tura chona atan Dante-a thuthlung hi a lo hmang a ni. Indona chu lei indona leh ralthuam inneih thatsiakna mai a ni lo a, chungnun inchuhna a nih avangin, sakhua a khawih tel a ni. Khatihlai khan John F.Kennedy-a hruai America democracy sorkar khan Kruchev-a

hruai Russia Communist sorkar kha hnen lo ta se, tunah hian Krista Chanchin Tha hril tura Solomon Island thleng thlenga missionary intirhna kawng hi a inhawng kher lo ang.

Rorelna thianglim leh felfai din hi min siamtu Pathianin a remti ang tih a rinawm. Ram rorelna a sawprawp chuan Kohhranin a tuar a, Chanchin Tha hril thlengin a nghawng si a. Sual a lo pian a, a lo puitlin a, a lo punlun tawh hnua do rem tuma ralkhel leh chiam thin tur ringawt hi chuan Pathianin min siamin a rinawm loh. Sual hi kan do dawn a, sual zuah chal te tea do hi Kristian remhre tihdan tur niin a lang lo. Sual hnunga um a, um pha hlei thei lo leh, thil dik lo titute pawisawi hlau tak chung a do hram hram tur kan ni dawn em ni? He leiah hian sual leh thlemna hi chu kan pumpelth tawp lo ang a, mahse kan hmakhalh thei a ni. Dik lohna hi a 'neutral' ve ngai lo a, fiahfai takin a tanna lam chu a chiang kak thin. Pathian kohhrante hian chu dik lohna chu kan do rau rau a nih chuan, neutral silhfen inbel chung a hminga do mai lovin, a dik chin leh dik lo chin thliar ngam ila, Kohhran mipuiten an tih tur chin leh tih loh tur chin pawh hriat sual palh awm lo tura chiangin pho lan ni se, kan do sual hi kan hneh tam thei zawk ang tih a rinawm.

Sual do hneh hi thih hnu khawvelah chauh

chuan sual do hi hneh chi a ni lo. "Sual ngam chein awm suh la, Thatnain sual chu ngam zawk ang che," tih a nih kha. Sualna lalpa ai chuan dikna Lalpa chu a chungnung zawk si a. Dikna Lalpa zuitu Mizote hi eng tin nge kan awm zel dawn?

ENG MINGE KAN ZAWN?

Mizoram mipuite hian zawn kan nei. Mi tute emaw kan zawng. Tute nge kan zawn kan hre lo a, kan mi hmuh tawhhote hi kan mi zawnte chu an ni lo tih erawh kan hre chiang. Rinthu in kan la zawng ta zel a ni.

Kan ram hruaitu atana kan mi zawn chu -

1. Sakhua leh Khawtlang zah thiam:

A sawi maia Pathian thin ni lo, ni tin khawsak dan hmuh theih leh lang lo lamah pawh Pathian thin tak tak mi, rorelna kenkawh kawngah te, hmasawna hna thawn danahte leh mi dangte rawngbawlsak kawngahte Pathian thin tluangtling mi hi ram hruaitu atan kan zawng.

2. Corruption laka fihlim tak tak:

In leh lo din danah te, chhungkaw khawsak san danah te, nupui fanate sum chelek danah te, bungraw neih danah te, Huan leh thlam neih danahte thlenga corruption laka fihlim tih pawm ngam; mahni hming lang lem lova laina hnaite hminga

thleng tur a ni lo. Khawvel awm chhunga do tur awm miah lo khawpa sual do rem chi chu a ni hauh lo. Chutih lain hneh loh tum saa sual do ngawt mai erawh chu indo dan zawng zawng chak harsa ber chi a ni. Khawvel ram zau zawk thliar ila, keini ram te reuh tea kan buaipui em em sual tam tak hi an do hneh a, an do rem em loh pawhin nasa takin an titlem thei a ni. Dan a awm a, a kengkawhtu sorkar a awm a, sorkarin dan a kenkawh that chuan sual chu a kimki mai thin. Mahse dan kengkawhtu ber kha dan bawhchhetuah a tan erawh chuan sual a punlun a, rukruk te, pawngsualte a hlual thin. Kan rama sual pung nasa em emte hi khawvel hmasawna a ken tel ni awma kan sawi mek lai hian, tuna New Zealand ralmuanzia chu keinin vanram kan suangtuah ang tluk dawn lai hi a ni ang. Switzerland mihring felzia leh khawtlang nun nawmzia chu Mizopa duhtusam nen hian a inhlath hauh lo ang. Chu chu an do sual an hneh vang a ni. New Zealand pa tih theih chu Mizopa hian ka tih theih loh bik chhan tur a awm lo. Mizo hnam hian chiaina nasa tak (moral crisis) zawng a tawh ta meuh mai. He 'crisis' lak atanga mipui chhanchhuak tur hian Kohhranin puanven a sawi chhin a ngai ta a ni lo maw? Khawi lam ami nge min tanpuina tur lo thleng ang le? Political party-te atangin damdawi kan hmu si lo. Sual leh tha inkara Neutral chung

contract hna lian pui pui thawh ching lo, hmasawna project hna thawhna hmuh apianga tute hming emaw hawha compensation lama pamham vak ching lo. Ram hmasawna hna thawhna tur pawisa atanga eng percent emaw party fund-a lo sawhhek ngawt ching lo. Hnam dang contractor leh supplier-te thurualpui ching lo. Opposition nih lai chauha corruption hua a, CBI koh luh tulzia sawi chiam chiam a, ko lut theitu nih veleha tanhmun thlak leh thut thin mi ni lo, mipui hriatpui atana zahpui ro leh sum chheprelh ruk neih ching lo mi kan zawng.

3. Thuneihna semzai ngam:

Portfolio semtu nih vanga sum tamna department zawng zawng hum khawm chiam chiam hi thil zahthlak a ni tih pawm, Sorkar sum bawm puarna apiang it hauh lo, thuneihna pumhmawm lo va, Danin a phut anga Zokhua te ber thlenga thuneihna semzai duh mi kan zawng.

4. Vote duh vanga dawt sawi ching kher lo:

Thuneihna chan laia tih duh hauh loh pawh, vote hmuh theihna tur a nih dawn phawt chuan, thuneihna chan leh huna ti ngei tura tiam vak vak ching lo mi, Mipuiten an hrethiam rih lo a nih pawha mipui tana tha tur chu huaisen taka sawi a, huaisen taka tang ngam kan zawng.

5. Mahni thutiama dingnghet ngam

Sakhaw puithiamte leh khawtlang hruaituten an rin ngam, nungchang nghet nei, thil tha ti tura tangkai taka hman atana inpeih reng Kohhran leh Tlawmngai pawlte hmang tangkai thiam hruaitu hi Mizoramah hi chuan kan mamawh a, kan zawng.

6. Nungchang leh tawngkama zahawm:

Mi lungawi lo apiangte hnena tihpuitlin chuan loh tur thu tha pui pui tiam zung zung ching lo, thurawn dawngsawng thiam leh peih, ruihtheih thila fihlim ni awm taka lang a, mipui hmuh phak lohna hmuna ruih buang buang ching lo. Ram hruaitu ni chung a tawng zahmawh pui pui sawi mai mai ching lo, nungchang leh tawngkamah pawh mi zahawm, nelawm tho si kan zawng.

7. Mi Rinawm leh Taima:

Khua leh tuite tana rinawm, taimakna kawnga hma hruai ngam, puar leh ril tama awm dan thiam, hnam dang zinga thlahfal ngam, mahni khua leh tuite zinga a hniam ber pawh hmusit chuang lo mi kan zawng.

Mizo mipuiten kan mi zawn ang hi hnam dang zingah an tam em em. Mizo zingah pawh an tam ve tho ang, kan la thlang fuh lo mai mai a ni.
